

# დამოუკიდებელი საქართველო

ს ა ქ ა რ თ ვ ე ლ დ ს პ ო ლ ი ტ ი კ უ რ ი პ ა რ ტ ი ე ბ ი ს . დ რ გ ა ნ დ .

## შ ი ნ ა ა რ ს ი :

\*მეთაური—ისტორიული თარიღი.

ნოტა ერთა ლიგის მე-17 საერთო ყრილ. თავმჯ. ივ—მე—ინტერნაციონალი და ომი.

გ. ქუთული—კავკასიის კონფედერაც. ირგვლივ. ი. ხალაყია—წყნარ ოკეანეს პრობლემა.

უცხოეთის მიმოხილვა.

საქართველოს საკითხი.

ნაუბრი—წერილი ამერიკიდან.

ვანშაველი—ქართველთა კოლონია ვარშავაში.

ვ. ახვლედიანი—წერილი ხარბინიდან. და სხვ.

## ი ს ტ ო რ ი უ ლ ი თ ა რ ი ლ ი

ნაზის ყრილობა ნიურნბერგში, საერთაშორისო თვალსაზრისით, ნამდვილი ისტორიული თარიღია. პიტლერის გერმანიამ პირველათ მოახდინა მსოფლიოსთვის დასანახათ თავისი სამხედრო აღლუმი და ილდესასწაულა ვერსალის ბოროტებისაგან განთავისუფლება. გერმანია, როგორც დიდი სახელმწიფო, ომის შემდეგ მხოლოდ ეხლა ევლინება ქვეყნიერებას მთელის თავის დარაზმულობით. უცხოელი კორესპონდენტები ასწერენ ყველა ჯურის განსაცვიფრებელ იარაღებს, აკრძალულს ვერსალის ზავით. არსაიდან პროტესტი, fait accompli.

განიარაღების კონფერენციამ კიდევ დეკემბერს 1932 წ. იცნო გერმანიის სწორუფლებიანობა შეიარაღების მხრივ სხვა სახელმწიფოებთან, მაგრამ მან ვერ განახორციელა ეს პრინციპი, რისთვისაც გერმანია გავიდა როგორც ამ კონფერენციიდან, ისე ერთა ლიგიდან. შეიქმნა სრულიად შეუსაბამო მდგომარეობა: ევროპა მსჯელობს ომსა და ზავზე და გერმანია იქ არ არის! როგორ შეუძლია ევროპას ეს საბედისწერო კითხვები გადასურას, თუ მისი შუაგული ამოღადრულია, თუ მისი გამაერთიანებელი მთავარი ძარღვი გაწყვეტილია? ან ვისთვის უნდა იყოს საიდუმლოება, რომ ზავი უგერმანიოთ მხოლოდ ომს მოასწავებს ევროპაში?

არავისთვის, და ეს მაინც ასეა დღეს დღეობით. ამბობენ, ამის მიზეზი რეჟიმიანია და იგიწყებენ, რომ ბოლშევიკურ რეჟიმს არ შეუშინდენ დღევანდელნი მართველნი და მოსკოვის დესპანი გვერდში ამოის-

ვებს. მაშ მიზეზი სხვა ყოფილა, უფრო ღრმა და აღმთუფხვრელი. 1918 წლის დამარცხებამ გერმანია ვერ შეარიგა მის შედეგებთან, რომელიც 60 მილიონიან ერს გამოუფალ მდგომარეობაში აყენებდა, უსპობდა გასაქანს, უზმობდა მომავალს. მან სცადა ამ მძიმე ტვირთის ზიდვა, ზიდა კიდევ 15 წელიწადი და ბოლოს ვერ გაუძლო. ვერსალის ზავს ვაიმარის კონსტიტუციაც ზედ მიაყვალა.

ცხადია, მიზეზი გერმანელ ერის ღრმა ფსიქოლოგიურ გარდატეხაში უნდა ვეძიოთ, მან თავის ხელით გადასცა პიტლერს სახელმწიფოს საქე და სდგას მის დროშის ქვეშ, წარმოდგენს უდიდეს ძალას და ითამაშებს გადამწყვეტ როლს ომისა და ზავის საკითხში. ეკონომიურათ უაღრესათ დაწინაურებულ ქვეყანაში, კლასთა ბრძოლის სამშობლოში, სოციალურ მოტივებს ძლია ეროვნულმა მოტივებმა და მით ერთხელ კიდევ დაგვანახა, რა მოელის კლასს და მის მესვეურებს, როცა ისინი ივიწყებენ ერს. გაიხსენეთ საარი და მისი მცხოვრებნი, რომელნიც არ შეუშინდენ რეჟიმს, ოლონდ საერთო სამშობლოს ჰერ ქვეშ ამოეყვით თავი. ასე ძლიერია და მიმზიდავი ეროვნული მოტივი, თუ, რასვკვირველია, თვით ერი არის საკმაოთ მომწიფებული. რა უნდა ითქვას კანტის და ფიხტეს ერზე? აი, ვის უპირებდენ რკინის სალტებში ჩასმას! ტყუილა კი არ ამბობდენ კლემანსოზე: ომი მოიგო, ხოლო ზავი წააგოვო.

ამიტომ იმეორებდა ბრინი ასე ხშირათ, ვერსა-



ლის ზავი მე არ დამიწერია. მას ესმოდა ზედმიწევნით, რომ ყველაფერი შეგიძლია შესცვალო, მაგრამ ვერ შესცვლი გერმანია-საფრანგეთის გეოგრაფიულ მდებარეობას, საჭიროა საერთო ენის გამოანხვა ამ ორ მეზობელ ერთა შორის. მან სცადა ეს და შედეგი ლოკარნოს პაქტი იყო. ევროპამ თავისუფლათ ამოისუნთქა და ბრიანი, შტრეზემანი, ჩემბერლენი ნობელის პრემიით იქნენ დაჯილდოებულნი.

მაგრამ ლოკარნომ მაინც ვერ უშველა საქმეს, მით უფრო, გერმანიას გაცილებით უფრო მძიმეთ, ვინემ დანარჩენ ქვეყნიერებას, თავს დაატყდა ეკონომიურ-ფინანსური კრიზისი. ბრძოლამ ხელისუფლებისათვის ისეთი მწვავე სახე მიიღო, რომ მოსკოვში უკვე შედგენილი იყო «სოვნარკომი» ბერლინისთვის და საცაა უნდა გადაბარებულყო იქ! ჰიტლერი ამ მომაკვდინებელ საფრთხის პასუხი იყო, უწინარეს ყოვლისა.

და აი, ჩვენ ვხედავთ იმავე ჰიტლერს ნიურნბერგში, რომელიც უთვალავ ხალხის წინაშე მოუწოდებს განათლებულ კაცობრიობას ბოლშევიზმთან ბრძოლისათვის. ის მართალი იყო, როცა ამბობდა, რომ გერმანიამ გადაარჩინა ევროპა მოსკოვიტების ბარბაროსობისაგან. ჰიტლერის თანამემწენი აუარებელი ფაქტებით ასაბუთებდენ იმავე დედა-აზრს.

შეტევაზე პირველათ ხომ მოსკოვი გადვიდა კომინტერნის ყრილობაზედ, აგვისტოში. მთელი ერთი თვის სჯა-ბაასი და რეზოლუციები მხოლოდ და მარტო ჰიტლერის გერმანიასთან ბრძოლას მონადომეს. ტაქტიკაც ამიტომ შესცვალეს, თუმცა მიზანი იგივე დარჩა: მოფლიოს აფეთქება. თუ წინეთ კომინტერნი და მისი სექციები არ ინდობდენ დემოკრატიას, არც სოციალისტებს, ყველგან გათიშვა შექონდათ, მეშვიდე ყრილობა, სტალინის კარნახით, მოუწოდებს მათ სოციალისტურ და ბურჟუაზიულ დემოკრატიასთან ერთი ფრონტის შექმნისათვის, ნაზის და ომის წინამდებ.

ჩვენ უკვე ვხედავთ, თუ რამდენათ საშიში გახდა დღეს მოსკოვის თვალთმაქცი ტაქტიკა ევროპის მუშათა მოძრაობისათვის. ზოგ ქვეყნებში მართლა დაიჯერეს ბოლშევიკების გულწრფელობა, ჰკრავენ კავშირს კომუნისტებთან და ნაწილათ არა მუშებსაც კი ითრევენ საერთო ფრონტში დემოკრატიის დასაცავათ!

მაგრამ რაღა მუშათა ორგანიზაციები, როცა მართველნიც, მთავრობანიც იმავე ანკესზე აეგენ. ენევაში ლიტვინოვი ზავისა და მცირე ერთა დაცვისათვის ლაღადებს, მაშინ როცა საბჭოთა კავშირში ნამდვილი ომი მძინვარებს როგორც ერთა, ისე

მთელ მოსახლეობის წინამდებ. ისე გათამამდა ეს ვაქტონი, რომ გერმანიას და პოლონეთს აგრესიულ მიზნებს უკიყინებს, მაშინ როდესაც მისი ბატონი სტალინი 13 მილიონ წიგნაკს გზავნის ქვეყნიერების სამოქალაქო ომში გასახვევათ.

ამიტომ სრულიად გასაგებია, რომ პოლონეთის საგარეო მინისტრმა ბეკმა სასტიკი პროტესტი განაცხადა ლიტვინოვის მხდალი გამოსვლის წინამდებ. ვამბობთ «მხდალი», რადგან ლიტვინოვს არ დაუხანგლებია არც პოლონეთი, არც გერმანია, ისე დაესხა უკნიდან. ორ მხროვან თუ მრავალ მხროვან პაქტის მნიშვნელობა, რომელზედაც ააგო მოსკოვის მოგზავნილმა თავისი თავდასხმა, ბევრ გაუგებრობას და ცალმხრივობას იწვევს ევროპის მემარცხენე წრეებში და ხშირათ დაუშვებელი პოლიტიკური დასკვნები გამოაქვთ.

როცა საფრანგეთი, მოკავშირე პოლონეთის დაუკითხავათ, უშუალოთ გადაება საბჭოთა კავშირს და მასთან ძველი «ალიანსი» აღადგინა, რაიცა ნათელჰყო მათმა სამხედრო თანამშრომლობამ, პოლონეთისთვის დაისვა ალტერნატივი: რუსეთთან ან გერმანიასთან, მესამე გამოსავალი არ იყო. სანამ ბერლინში ბატონობდა ბისმარკის ტრადიციული პოლიტიკა: მეგობრობა რუსეთთან პოლონეთის გასაწყლეთათ—და ეს გრძელდებოდა ვაიმარის რესპუბლიკის დროსაც—, ვარშავას სხვა გამოსავალი არ ჰქონდა, პარიზის გეზი უნდა აეღო და მოსკოვსაც თავდაუსხმელობის პაქტით შეეკროდა. მაგრამ მოვიდა ჰიტლერი და პოლონეთს ათი წლის თავდაუსხმელობა და მეგობრობა შესთავაზა. განა შეეძლო მარშალ პილსუდსკის, რომელიც მოწმე იყო და მოქმედ პირიც იმისა, რომ მისი სამშობლოს თავისუფლება, პირველ ყოვლისა, მეფეთა რუსეთის გერმანიის მიერ სასტიკ დამარცხებიდან იშვა.—არ ჩამოერთმია გამოწვდილი ხელი? განა ცარიზმის მემკვიდრე ბოლშევიზმი თავისუფლების მეორე დღეს არ მიადგა ვარშავის კარებს? რა გარანტია ჰქონდა მას, რომ მრავალ მხროვანი პაქტი, რომელიც გულისხმობდა პოლონეთის საომარ ასპარეზად ქცევას, ერთხელ კიდევ არ შემოუსხედა მას «მოკავშირე» წითელ ურდოებს? განა შესძლებთ თქვენ ამ ურდოების თავის ნებით უკან ვაყვანას?—ეკითხებოდა პილსუდსკი ბარტუს, რაზედაც უკანასკნელმა ვერაფერი უპასუხა, როგორც მოგვითხრობს ამ ისტორიულ შეხვედრის მემბტიანე.

ამრიგათ, პოლონეთმა უკეთ იცის, რასაც შერება, და ევროპის მემარცხენეთა თავდასხმა მასზე ჩვენზე შთაბეჭდილებას არ ახდენს. ეტყობა, ლიტვინო-





ვმაც უკეთ იცის ეს, რადგან ბეკის საპასუხოთ მან ვერ გაბედა სოციალ-კომუნისტების თავაშვებული ყარჯონი და სრულიად მოწიწებით იმართლა თავი, რასაც ემიგრანტულ რუსულ მემარცხენე პრესამ ტაში დაუკრა. ამის მიზეზი იყო და არის ის გარე-  
**მიზეზი, რომ პოლსუდსკის პოლიტიკი დღეს იგი არ**

არის, რაც ათი წლის წინეთ იყო, ის უკვე დიდი სახელმწიფოა ამ სახელწოდების ნამდვილი მნიშვნელობით და ითამაშებს თავის როლს მრავალ-ერიან საბჭოთა კავშირის ყოფნა არყოფნის საკითხში.

ვისაც საქართველოს საკითხი საერთაშორისო სასწორიდან არ გადმოუგდია და არ უქცევია საბჭოთა კავშირის საშინაო საკითხად, მისთვის გასაგები უნდა იყოს ზემოთქმული. ჩვენს წინაშე სდგას არა რეჟიმის, არამედ უცხო უღლის გადაგდების საკითხი, ამიტომ სრულიად არ არის ჩვენთვის უმნიშვნელო, ვიცოდეთ, ვინ და რომელი სახელმწიფოს როგორი განწყობილება აქვს ჩვენს მტერთან. სრულიად დაუშვებელია, სანამ საერთაშორისო გუნს არ ავცდენილვართ, ამა თუ იმ დიდი სახელმწიფოს საშინაო რეჟიმი ვქექოთ. ჩვენი ვალია, პირ-იქით, ყველგან მეგობრები ვეძიოთ. ნამდვილი ნაცარქეიობაა, მეორეს მხრით, ომსა და ზაფხე თავი ვიმტვრიოთ და აქეთ-იქით ვიძახოთ, ვინ ხარ მამაციო; ჩვენ ამას არც არავინ გვკითხავს, სავალდებულოა მხოლოდ, როგორც ერთ ისე მეორე შემთხვევაში ჩვენს ერს რამე ვარგოთ.

ნიურნბერგის მოწოდება ბოლშევიზმთან სამკვდრო-სასიცოცხლო ბრძოლისათვის, უუქველია,

რამდენათმე ვერდნობოდა ამერიკის და იაპონიის პროტესტს, კომინტერნის ყრილობის გამო, სტალინის მთავრობის წინამდევ. ამ პროტესტში, ისე როგორც ჰიტლერის სიტყვაში, ბოლშევიზმი აღიარებულია საერთაშორისო დამნგრევ ძალად, რომლის წინამდევ სასტიკი ზომები უნდა იქნას მიღებული.

ადრე თუ გვიან ამას გაიგებს მთელი ევროპაც, საფრანგეთში უკვე გრძობენ კომუნისტების გაათქვამებულ მუშაობის ნაყოფს: რესპუბლიკის მოწინამდევე ძალთა დარანშვას, გაძლიერებას. ფრანგთა ერი, თუ არჩევანზე მიდგა საქმე, უმაღ ნაზის დიქტატურას აირჩევს, ვინემ პროლეტარიატის დიქტატურას — ასე ამბობს მეტათ ფხიზელი და ნიჟიერი ნეო-სოციალისტი დეა.

და ეს დეა იცავს სწორეთ საფრანგეთის მიერ უშუალო მოლაპარაკებას გერმანიასთან საერთო ენის გამოსანახავათ. ინგლისმა უკვე გამოსანახა ეს ენა, დასდო მასთან საზღვაო ხელშეკრულება, და მისი მეგობარი საფრანგეთიც უთუთთ გაყვება ამ გზას. ტყუილა არ ამბობენ ლავალზე, რომ ის ბრიანის მოწაფეაო, მაშასადამე, უკანასკნელის გენი მისთვის გასაგებია. მას შემდეგ, რაც გერმანია თანასწორი გახდა თანასწორთა შორის, მასთან მოლაპარაკება და შეთანხმების მიღწევა გაცილებით უფრო ადვილია. რამდენჯერ გვითქვამს ამ ადგილას, რომ გერმანია და საფრანგეთი ნამდვილი ხერხემალია ევროპის საბოლოო დაზავების და მშვიდობიან თანამშრომლობის.

ეს კი სიკვდილია კრემლის სტუმრებისთვის.

**ნოტა მართა ლივის მი-17 სამართო შიკლ. თავმჯდომარეს**

ბ. თავმჯდომარე, 1934 წ. 18 სექტემბერს, როდესაც ს. ს. რ. კავშირი მიღებულ იქნა ნაციათა ლიგაში, ჩვენ—კავკასიის ერების, თურქესტანის და უკრაინის წარმომადგენლებმა—თქვენს წინამოადგილეს მე-16 საერთო ყრილობის თავმჯდომარეს გადავეცით საპროტესტო წერილი. იქ ნათქვამი იყო:

«ჩვენ ღრმად ვაკვირვებულნი ვართ, რომ ს. ს. რ. კავშირი დაუშვეს ნაციათა ლიგაში ისე, რომ არავითარი პირობა არ წაუყენეს მოსკოვის მთავრობას, რომელმაც აგრესიული აქტები ჩაიდინა ჩვენი ქვეყნების წინამდევ და დაიკავა სამხედრო ძალებით, რომელიც მართველობს ტერორით, რომელმაც შემოიღო იძულებითი მუშაობა თავის ქვეშევრდომთა შორის და ვინც თავის შეუწყნარებელი პოლიტიკით დაამშია ჩვენი მდიდარი ქვეყნები».

ჩვენს პროტესტებზე სხვადასხვა სახელმწიფოების დელეგატებმა გვიპასუხეს, რომ სრულიად აღიარებენ ჩვენი არგუმენტების საფუძვლიანობას, ხოლო ფიქრობენ, რომ ს. ს. რ. კ-ის ნაციათა ლიგაში

მიღება, თუნდაც უპირობოთ, გამოიწვევს იმ ძალადობის რეჟიმის აუტილებელს ევოლუციას, რომლის ქვეშ იტახებებიან წითელი არმიით დაპყრობილი ერებიო.

ერთი წელიწადია, რაც ს. ს. რ. კ. ნაციათა ლივის წევრია და შეგვიძლია დავადასტუროთ, რომ საბჭოთა რეჟიმში არავითარი გაუმჯობესობა არაა, პირ-იქით, ზოგი რამ უფრო გაუარესდა. უკანასკნელ წელს მოხდა წითელი ტერორის გაძლიერება. ასე მაგალითად კიროვის მოკვლავ საბაბი მსცა საბჭოთა ხელისუფლებას, დაეხვრიტათ გაუსამართლებლად 132 ადამიანი, სხვადასხვა ერის შვილი, რომელთაც არავითარი მონაწილეობა არ მიუღიათ კიროვის მკვლელობაში. ამას ზედ მოჰყვა მრავალთა დატუსაღება და მასიური გადასახლება. ს. ს. რ. კავშირის ერები კვლავ მუდმივ ტერორის ქვეშ იმყოფებიან.

სარწმუნოებრივი დევნა და დახვრეტა სხვადასხვა კულტის სამღვდელთა არ შემცირებულა ს. ს. რ. კ-ის ნაციათა ლიგაში მიღების შემდეგ. არა-



ვითარი პიროვნული თავისუფლება არ არსებობს ამ ქვეყანაში, რომელიც თუმცაღა მონაწილეა ერთა ლიგის, არ ცნობილობს ადამიანისა და მოქალაქის უფლებებს.

იძულებითი მუშაობა არსებობს მთელი ს. ს. რ. კ-ის სივრცეზე და პირდაპირ ჯოჯოხეთური ცხოვრება აქვთ ჩრდილო რუსეთის გაყინულ კატარღებში მოთავსებულებს. დანარჩენი მოსახლეობა, ვითომდა თავისუფალი, ექვემდებარება შრომის სასტიკ საბჭოურს წესებს, რაიც სრულებით არ ეგუება შრომის საერთაშორისო ბიუროს შემუშავებულ პირობებს.

მსოფლიო საზოგადოებრივი აზრის მოსატყვილებლად და ერთა ლიგის მეტი პატივის დასამსახურებლად, საბჭოთა მთავრობამ მოახდინა ზოგი გარეგნული რეფორმა. მაგალითად კომუნისტურ პარტიის მე-17 კონგრესზე მოსკოვში დადგენილი იყო საარჩევნო უფლების შეცვლა გლეხთა სასარგებლოთ. მაგრამ ეს პროექტი კიდევ რომ განხორციელდეს ერთ დღეს, არაფერს შეცვლის, რადგან ტერორის რეჟიმი და თავისუფლების სრული უქონლობა ნებას არ მისცემს მოსკოვის დამონებულ ერებს გამოიყენონ სხელებული «ცვლილება».

მეორეს მხრით საბჭოთა ხელისუფლებამ, იცოდა რა, რომ სოფლის მეურნეობის კოლექტივიზაცია აშფოთებდა მსოფლიო საზოგადოებრივ აზრს, ისე უჩვენა ყველას, რომ თითქმის გააუმჯობესა კოლმეურნეობათა რეჟიმი. მაგრამ სასოფლო მეურნეობის 1935 წ. რეფორმის შესწავლა გვიმტკიცებს, რომ არსებითად არაფერი გამოცვლილა, ხოლო განსაზღვრულია რაოდენობა თითოეულ კოლმეურნეობის დასამუშავებელ მიწისა და დადასტურებულია (რაიც წინადაც არსებობდა) ნებართვა საკუთარი ბოსტნისა და რამდენიმე საქონლის, მიწის უმეტესი ნაწილი კი ისევ კოლმეურნეობათა საერთო მფლობელობაში რჩება, დარჩა იგივე ბატონყმობა თავის აუცილებელ შედეგებით, სიმშლით, მაგალითად, რომელიც მუდამ ემუქრება ს. ს. რ. კავშირის ერებს.

საბჭოთა ხელისუფლებამ მოსპო პურის ბარათები და სხ. და ეს წარმოდგინა როგორც დიდი წარმატება გამოკვების საქმეში. მაგრამ თუ ამ ცვლილებამ გაამრავლა პროდუქტები ბაზარზე, ამავე დროს გაადიდა მათი ფასიც და ამას ის მოყვა, რომ მცხოვრებლები ახლა უარესად იკვებებიან ვიდრე წინად.

ასეთ «რეფორმებთან» ერთად უნდა აღინიშნოს შემდეგი მოვლენა: ხელისუფლებამ მოახდინა მცხოვრებთა ევაკუაცია საზღვრებზე, 50-70 კილომეტრის სიღრმით. ამასთანავე უკრაინაში 150-200 კილომეტრის მანძილის საზღვარზე უკრაინელი მკვიდრნი ჩრდილო რუსეთში გადაასახლა და მათ ალაგას დააბინავა ცენტრიდან გადმოყვანილი წმინდა რუსები. მსგავსი ზომები იყო მიღებული კარელიაში, კავკასიასა და თურქესტანშიც.

ყველამ უწყის ბლომევიკების მეთოდი, რომლის ძალით აყარეს და გადაასახლეს მთელის ოჯახობით ყველა შეძლებული გლეხი (კულაკები). ამ საშუალებით

ბით მარტო ერთი უკრაინიდან ორმილიონ ნახევარი გლეხი იქმნა გადასახლებული ციმბირსა და სხვაგან. ამ დრაკონულ ზომას დღესაც მიმართავენ კავშირის განაპირებზე, რაიც განსაცდელში აგდებს ზოგიერთ ერებს.

აღვნიშნავთ რა ამ ფაქტებს, მივაქცევთ ყურადღებას იმას, რომ დღიდან საბჭოთა კავშირის მიღებისა ენევის დაწესებულებაში ერთა ლიგა გახდა მონაწილე მორალური პასუხისმგებლობისა ჩვენი ერების მწაზე ბედისა საბჭოურ უღელს ქვეშ. ჩვენ კვლავ პროტესტს ვაცხადებთ მთელი ჩვენი ენერგიით კავკასიის, თურქესტანის და უკრაინის ოკუპაციის წინააღმდეგ, პროტესტს ვაცხადებთ იმ რეჟიმის წინააღმდეგ, რომელიც ახჩობს ჩვენს ერებს, აგრეთვე ვოლგის თათრებს და ყირიმელებს, ბელორუსებს, კარელიელებს, კახაკებს და კავშირის მთელს მოსახლეობას.

იმედოვნებდენ, რომ რაი ს. ს. რ. კ. ერთა ლიგაში შევიდოდა. შენეოდებოდა ის დამარღვეველი მუშაობა, რომელსაც ის ეწევა მთელ დედამიწაზე. მაგრამ კომინტერნის უკანასკნელი კონგრესი მოსკოვში, მისი რეზოლუციები და განსაკუთრებით სიტყვა მომხსენებლის დიმიტროვის წარმოთქმული დიქტატორის დანადასწრებით და მისივე მოწონებით, — ამტკიცებენ, რომ მოსკოვს არ შეუცვლია თავისი ბუნება ლიგაში მიღების შემდეგ. იგი აწარმოებს ორმაგს თამაშს: სახალხო კომისრის ოიტვიზის «პაციფისტურ» პოლიტიკას თან მოსდევს ჩარევა ყველა ქვეყნის შინაურ საქმეებში და კომინტერნის აქტივობა, ვითომდა ანტიფაშისტური, რომლის უკან ამოფარულია მტკიცე გადაწყვეტილება მსოფლიო რევოლუციის მოსახდენად — ის, რამაც ამას წინად გამოიწვია პროტესტები შეერთებული შტატების, იაპონიის და სხვების.

ჩვენ ვფიქრობთ, რომ სრულებით არ შეესაბამება ერთა ლიგის პაქტს, ამ მალად დაწესებულებაში წარმომადგენელი ყვადეს მთავრობას, რომელიც თავის ძალაუფლებას ამყარებს ამდენი ერის დაჩაგვრაზე, რომელიც ცდილობს მშვიდობიანობის დამხობას, ქადაგებს სამოქალაქო ომს და მსოფლიო რევოლუციას.

ვათავებთ რა ამ წერილს, კვლავ მივაქცევთ თქვენს ყურადღებას, რომ მიუხედავად სასტიკ დევნათა, რომელთაც განიცდიან ჩვენი ერები, ისინი არასოდეს შეწყვეტენ ბრძოლას ეროვნულ დამოუკიდებლობისათვის. დარწმუნებული ვართ, რომ ერთა ლიგა სრულს დახმარებას აღმოუჩენს ჩვენს სამართლიან მოთხოვნებში.


ხელს აწერენ:

- მ. იაკუბ, ახერბაიჯანის დელეგაციის თავმჯდომ.
- ტ. მახმან, ჩრდილო კავკ. ეროვნ. ცენტრის წევრი.
- ა. ჩხენკელი, საქართველოს ყ. ელჩი საფრანგეთში.
- მ. ჩოკაი, თურქესტანის ეროვნ. კომიტ. დელეგატი.
- ა. მულგინი, უკრაინის ერ. მთავრობის დელეგატი.

1935 წ. 19 სექტემბერი.

ქენევა.





ინტერნაციონალი და ომი

ამ სათაურით დაიბეჭდა ფრანგულ, გერმანულ და რუსულ ენებზე თეზისები ო. ბაუერის, თ. დანის, ა. დიუნუას და ე. ჟირომსკის ხელის მოწერით და მუშათა სოც. ინტერნაციონალის გენერალური მდივნის ფ. ადლერის წინასიტყვაობით. რომ ეს თეზისები მის ავტორებს ხელმოუწერლად გამოეცათ და ადლერსაც თავი შეეკავებია წინასიტყვაობის მიძღვნისაგან, მკითხველი მას უთუოდ ჩათვლიდა მოსკოვის სათანადო კანცელარიაში გამზადებულ ნაწარმოებად.

შეუძლებელია ერთ საგანეთო წერილში აღწუსხოს და გაარჩიოს ყველა ის განსაცვიფრებელი მარგალიტები, რომელნიც ანცობილია ამ დოკუმენტის მთავარ ძაფზე. მოკლედ გადმოცემული მთავარი აზრი ამ თეზისებისა ასეთია:

ომის საშიშროება კარზეა მომდგარი; ეგ მომავალი ომი იქნება ორი კოალიციის სამკვდრო სასიცოცხლო შეჯიბრება. ერთი კოალიციის მეთაური იქნება პიტლერის გერმანია, მეორესი სტალინის საბჭოთა კავშირი. პირველია ფაშისმის უძლიერესი სიმაგრე; მისი გამარჯვება იქნება ევროპაში გააფთრებული ფაშისტური რეაქციის გამეფება. პირიქით, მისი დამარცხება კი ხელ-ფეხს გაუხსნის პროლეტარულ რევოლუციას და შესაძლოდ გახდის სოციალიზმის გამარჯვებას მთელ ევროპაში. საბჭოთა კავშირმა კი ექსპროპრიაცია მოუხდინა მსხვილ მემამულეებს და კაპიტალისტებს. შექმნა ნაციონალიზაცია-ქმნილი ძლიერი მრეწველობა, კოლექტივიზაცია მოახდინა სასოფლო მეურნეობაში და სავაჭრობლად ასწია კავშირის საზღვრებში მოზინადრე ხალხების კულტურული დონე. მართალია, ყოველივე ეს მოხდა ტერორისტული დიქტატურის ზეგავლენით, მაგრამ ეგ დიქტატურა შესძლებს თავისი თავის ლიკვიდაციას, მოახდენს მთელ რიგს სხვა სასწაულებისა და საბჭოთა კავშირს გადააქცევს სოციალისტურ საზოგადოების მომხიბლავ ნიმუშად; ეგ უკანასკნელი კი გაზრდის და გააძლიერებს სოციალისტურ იდეის მიმხიდველ ძალას. აქედან კი ცხადია, რომ «საერთაშორისო სოციალიზმის ინტერესები სასურველად ხდიან საბჭოთა კავშირის გამარჯვებას».

თავისთავად ცხადია, რომ ამ იდილიურათ დახატულ სურათს დასკვნაც შესაფერი ახლავს: მუშათა სოციალისტური ინტერნაციონალი და მთელი მსოფლიოს პროლეტარიატი უნდა დადგეს საბჭოთა კავშირის და მის მოკავშირეების მხარეზე. თეზისების ავტორებს შესაძლებლად მიიჩნიათ, რომ ამ მოკავშირეთა შორის იმპერიალისტურ და ბურჟუაზიულ-კაპიტალისტური ქვეყნების გვერდით აღმოჩნდნენ ზოგიერთი ფაშისტური თუ ნახევრად ფაშისტური ქვეყნებიც. მიუხედავად ამისა ისინი მაინც არ კარგავენ იმედს, რომ საბჭოთა კავშირი, დაამარცხებს რა ფაშისტურ გერმანიას ფაშისტურ და ნახევრად ფაშისტურ მოკავშირეთა დახმარებით, მოახდენს იქ პროლეტარულ რევოლუციას და შეკრავს სეპარა-

ტიულ ზავს გასაბჭოებულ გერმანიასთან; ამის შემდეგ საბჭოები მოწყალების თვალს მიაპყრობენ დაწარჩენ ევროპას და პროლეტარულ გერმანიის დახმარებით «გააერთიანებენ ევროპის ყველა ხალხებს სოციალისტურ მუშურ-გლეხურ რესპუბლიკების ერთ ფედერაციაში». ევროპაში დამყარდება ისეთი წესწყობილება, რომელსაც «არავითარი ომები არ ეცოდინება».

ჩვენ არ ვფიქრობთ, რომ ეგ პრიმიტიული უტოპია გაიზიაროს რომელიმე საღად მოაზროვნე სოციალისტმა, მით უმეტეს შეუძლებლათ მიგვაჩნია, რომ იგი თავის პროგრამათ გაიხადოს მუშათა სოციალისტურმა ინტერნაციონალმა; ამიტომ საჭიროდაც კი არ მიგვაჩნია შეგჩერდეთ თეზისების ამ მხარეზე. ჩვენ უფრო საინტერესოდ მიგვაჩნია, ვიცოდეთ, თუ რა საბუთებს ეყრდნობიან თეზისების ავტორები, როდესაც მთელი ევროპის სათნოებისა და სიყვარულის ქვეყნად გარდაქმნის იმედებს ამყარებენ იმ საბჭოთა კავშირის გამარჯვებაზე, რომელმაც მსოფლიოს მეექვსედი ნაწილი აქცია ხალხთა დაუსრულებელ წამებისა და ქლეტის ისეთ ციხედ, რომლის მზგავსი არც ნიკოლოზის რუსეთსა და არც ფრანც-იოსების ავსტრო-უნგრეთს სიხმარშიაც კი არ უნახავთ. მკითხველი უნაყოფოდ დახარჯავდა დროს თეზისებში ასეთი საბუთების ძებნით. ვინც სტალინის ყმად ქცეულ საბჭოთა კავშირს აწერს საერთაშორისო მუშათა კლასის განმანათავისუფლებელ მისიას, იგი არ სრულიად არ იცნობს საბჭოთა კავშირის დღევანდელ მდგომარეობას და იმ ყოფას, რომელშიც ჩავარდნილია კავშირის მუშათა კლასი, ან შეგნებულად თაღლითობს. ჩვენ გვინდა ვიფიქროთ, რომ თეზისების უცხოელი ავტორები მართლაც არ იცნობენ საკმაოდ ამ მდგომარეობას და ამიტომ მათ ზოგი რამ კიდევ ეპატიებათ, მაგრამ ის კი ყოველივე ექვს გარეშეა, რომ ბ-ნი დანი თაღლითობს და შეგნებულად ცდილობს შეცდომაში შეიყვანოს საერთაშორისო მუშათა კლასი.

ყველა გულწრფელ დემოკრატისათვის ერთნაირად მიუღებელია ყველა ფერის დიქტატურა და არც ერთ მათგანს თავში აწრად არ მოუვა რაიმე მსხვერპლი გაიღოს იმისთვის, რომ ერთი დიქტატურა ჩამოაგდოს და მის ნანგრევებზე დაამკვიდროს მეორე დიქტატურა, — შეიძლება უფრო სასტიკი და უფრო მკაცრი, — რომელიც მუშათა კლასის მდგომარეობას კი არ გააუმჯობესებს, არამედ სავრძნობლად გააუარესებს. სტალინის საბჭოთა კავშირს გამარჯვების შემთხვევაში შეუძლია დაამყაროს სხვა ქვეყნებშიც მხოლოდ ისეთი რეჟიმი, როგორც მას აქვს თავის ქვეყანაში. რას მოიგებს ამით საერთაშორისო სოციალიზმი და საერთაშორისო დემოკრატია? არაფერს, — წაგებით კი ბევრს წააგებს. პოლიტიკური მუხრუჭი საბჭოთა კავშირში უფრო ლიბერალური არ არის ვინემ დიქტატურის სხვა ქვეყნებში; მუშათა კლასის ეკონომიური მდგომარეობა როგორც ფაშისტურ ქვეყნებში, ისე მით უმეტეს ბურჟუაზი-



ულ-კაპიტალისტურ ქვეყნებში, გაცილებით უკეთესია, ვინემ საბჭოთა კავშირის მუშათა კლასის. საფრანგეთში და გერმანიაშიც უმუშევარი უფრო მეტს იღებს დახმარების სახით, ვინემ საბჭოთა კავშირში სამუშაოზე მდგომი მუშა. არც ერთი ევროპელი მუშა არ მოითმენს ისეთ ყვლეფას, ისეთ უნამუსო ძარცვას, როგორსაც ათმენიებს სასტიკი სასჯელის შიშით სტალინის ხელისუფლება საბჭოთა კავშირის მუშას. ეგ ყველაფერი კარგად იცის ბატონმა დანმა, მაგრამ ის კი არ უნდა, იცოდეს და გაიგოს, რომ ასეთ ყოფაში ჩაყენებული მუშათა კლასი ვერავითარ ენტუზიაზმს და სურვილს ვერ გამოიჩინებს, დაიცვას ის «რევოლუციონური ქვეყანა», რომელიც მისთვის ბოროტ დედინაცვალზე უფრო მკაცრი და უღმობელია.

მეორეს მხრით საბჭოთა ხელისუფლება და მისი ფილიალი კომინტერნი ყოველთვის დიდ საშიშროებას წარმოადგენდა საერთაშორისო მუშათა კლასისათვის. განა ვისთვისმე სადაო ფაქტია ის, რომ კომინტერნის აგენტები კომინტერნის დაარსების პირველ დღიდანვე მხოლოდ იმაზე ზრუნავენ და მუშაობენ, რომ რღვევა და განხეთქილება შეიტანონ საერთაშორისო მუშათა კლასის რიგებში, დაასუსტონ და დაანგრიონ მისი პროფესიონალური და პოლიტიკური ორგანიზაციები?!. განა სოციალისტურ მოძრაობის ყველა გამოჩენილი ხელმძღვანელები ჯერ კიდევ გუშინ იმ აზრის არ იყვენ, რომ კომინტერნის აგენტების ბოროტი საქმიანობა გზას უკაფავს ევროპის სახელმწიფოებში რეაქციას და უდიდეს მუქარას უქმნის დემოკრატიულ თავისუფლებებს?!. განა უდაო ფაქტი არ არის ის, რომ ფაშისტურმა დიქტატურამ გაიმარჯვა იმ ქვეყნებში, სადაც კომუნისტური მოძრაობა ძლიერი იყო და ქვეყანას გასაბჭოება მოელოდა?!. ყველა ამის შემდეგ არავის შეუძლია სინდისის ქვეშ სთქვას, რომ საბჭოთა ხელისუფლება და მისი უხვი სუფსიდიებით აღზრდილი და გამოკვებილი კომინტერნი და კომუნისტური პარტიები გულწრფელად დაიცავენ დემოკრატიულ თავისუფლებებს. ამის უტყუარ საბუთებს იძლევა სხვათა შორის კომინტერნის უკანასკნელი კონგრესის რეზოლიუციებიც და იქ წარმოთქმული სიტყვები. გველი ტყავს იცვლის, ზნე-ჩვეულებას და ბუნებას კი არასოდეს. კომუნისტების ბუნება დღესაც იგივეა, რაც გუშინ იყო და ასეთივე დაარჩება სამუდამოდ.

თეზისების ავტორები ზევით აღნიშნულ ჯოჯოხეთურ რეჟიმის შემქმნელ ხელისუფლების ყოფნა-არყოფნას უკავშირებენ საერთაშორისო მუშათა კლასის ინტერესებს და ამ უკანასკნელს მოუწოდებენ, იგი დაიცვას მთელი თავისი არსებით და დიდის ენტუზიაზმით, ხოლო მუშათა სოციალისტური ინტერნაციონალი კი უნდათ გადააქციონ კომინტერნის ფილიალად და აკეთებიონ ის, რასაც მას უკარნახებს კომინტერნის პირით საბჭოთა ხელისუფლება. რომ სოციალისტურმა ინტერნაციონალმა ეს მოწოდება ისმინოს და თეზისებში ნაჩვენებ გზას დაადგეს, იგი წარმოუდგენელ არე-დარევას შექმნიდა ევროპის მუშათა კლასში და მის უდიდეს ნაწილს

გადაისვრიდა რეაქციის ბანაკში: საერთაშორისო რეაქცია საგრძობლად გაძლიერდება, ხოლო დემოკრატიული და სოციალისტური მოძრაობა დიდი ხნით დასუსტდება და დიდად დაზარალდება. სრულიად წინააღმდეგ შედეგს მივიღებთ, თუ სოციალისტური ინტერნაციონალი, ნაცვლად თეზისებში გათვალისწინებულ გზაზე შედგომისა, გადაჭრით გამიჯნება საბჭოთა ხელისუფლებას და კომუნისტურ მოძრაობას, თუ ერთხელ და სამუდამოდ უარყოფს იმ უაღრესად შემცდარ აზრს, რომ თითქო ერთი და იგივე საბოლოო მიზანი ქონდეთ კომუნისტურ ექსპერიმენტებსა და საერთაშორისო სოციალისტურ მოძრაობას. კომუნისტური სოციალიზმი უცუდესი ფორმის მონობაა, მას არაფერი აქვს საერთო იმ საზოგადოებრივ გარდაქმნასთან, რომელსაც მიზნად ისახავს დემოკრატიული სოციალისტური მოძღვრება. უკანასკნელი უაღრესად ჰუმანიტური მიზნების მტარებელია, ხოლო პირველი კი უსასტიკესი დესპოტიის განსახიერება. ასეთი გადაჭრული გამიჯვნა ერთის მეორისაგან სოციალისტური ინტერნაციონალის ირგვლივ შემოკრებად როგორც მუშათა კლასის ყველა სად ელემენტებს, ისე ყველა იმ საშუალო კლასებს, რომელთაც დღეს კომუნისტური დიქტატურის და მისი გამანადგურებელ ექსპერიმენტების შიში რეაქციონერთა ბანაკისკენ ერეკება.

დასასრულ უნდა შევხვთ თეზისების იმ ადგილს, რომელიც შეეხება საბჭოთა კავშირის დაზარულ ერებს სოციალისტურ პარტიებს. საბჭოთა კავშირის ნახევარ მოსახლეობას შეადგენენ ცეცხლითა და მანვილით დაპყრობილი ერები, რომელნიც გააფთრებულ ბრძოლას აწარმოებენ უცხო უღლის გადასაგდებად და თავისი ქვეყნის სუვერენულ უფლებების აღსადგენად. თეზისების ავტორები ყოფილ ავსტრო-უნგრეთს იხსენიებენ ხალხთა ციხეთ; ეს სახელწოდება თავის დროზე მართლაც არ იყო მოკლებული აზრსა და შინაარს, მაგრამ იგი კიდევ უფრო მეტად უდგება დღევანდელ საბჭოთა კავშირს. დაპყრობილი ერების მიწაწყალი და მთელი ავლა-დიდება გადაქცეულია კომუნისტურ მოსკოვის კოლონიად, ხოლო მოსახლეობა სრულიად უფლებო მონებად. წითელი მოსკოვის იმპერიალისტური სულისკვეთება გაცილებით უფრო სუსხიანი და მკაცრი გამოდგა, ვინემ მეფის რუსეთის; საუკეთესო მამულიშვილების განუკითხავად და განუსჯელად დახვრეტამ, ხალხის მასიურად დახოცვამ და უცხო შორეულ ქვეყნებში გადასახლება მოყოლივს საზამს გადასაჭარბა. საქართველოში ზოგიერთი ოჯახები სავსებით ამოწყვეტიეს დიდიან პატარიანად,—აკნის ბავშვებიც კი არ დაინდვეს. გარდა ამისა მთელ საქართველოში ოციოდე ოჯახს ვერ ნახავთ ისეთს, რომელსაც თუ ორი და მეტი არა, ერთი წევრი მანაც არ ყავდეს ან მოკლული, ან ციხეში გამოძწყვედილი, ან რუსეთის მიგარდნილ კუთხეში გადასახლებული. ასეთ დაპყრობილ და დაზარულ ერების, განსაკუთრებით უკრაინის, საქართველოს და სომხების სოციალისტურ პარტიებისგან მოითხოვენ თეზისების ავტორები სასტიკ მხაგვრევის დაცვას და მისთვის თავის დადებას ყოველივე





პირობის გარეშე; წინამდებ შემთხვევაში, ბაჟურ-დანის აზრით, მათ ადგილი არ უნდა დაურჩეს მუშათა სოციალისტურ ინტერნაციონალის რიგებში. საბჭოთა კავშირის სიყვარულს ისე დაუბრმავებია თეზისების ავტორები. რომ ყოველივე ზომა დაუკარგავთ და ისიც კი ვერ მოუსაზრიათ, რომ—სხვას რომ თავი გავანებოთ—დაჩაგრულისთვის ფსიქოლოგიურად არის შეუძლებელი დამჩაგრელს გამოეჭმავოს და მისი პრესტიჟის გაზდაზე იზრუნოს. სოციალისტური ინტერნაციონალის ერთი სასახელო ტრადიციათაგანი იყო დაჩაგრულ ერების გვერდში დგომა და მათთვის ქომავლების გაწევა. თეზისების ავტორებს ინტერნაციონალის ასეთი «ტრადიციული იდეები» ახლანდელ მდგომარეობისთვის შეუფერებლად მიაჩნიათ და მათ უკუგდებას მოითხოვენ.

ჩვენ არა გვგონია, რომ მუშათა სოც. ინტერნაციონალმა ასეთ უფურ მოთხოვნები გაიმეორა გარეშე გაუწიოს და იგი თავის მოთხოვნებზე გამოაცხადოს. წინამდებ შემთხვევაში მას გამოეთი-

შებოდენ არა მარტო უკრაინის, საქართველოს და სომხეთის, არამედ სხვა მრავალ პატარა და ზოგი დიდი ერების სოციალისტური პარტიებიც და იძულებული გახდებოდენ შეექმნათ ისეთი ინტერნაციონალი, რომელიც მართლაც ჩაგრულთა და ტვირთმძიმეთა დამცველი და მოსარჩლე იქნებოდა და არა დამპყრობელთა და მჩაგრელთა კონტროლის ქვეშ მყოფ კომინტერნის ფილიალი. მაგრამ ჩვენ სრულიად დაარწმუნებული ვართ, რომ საქმე აქნამდე არ მივა; მუშათა სოციალისტური ინტერნაციონალი არ უღალატებს თავის სასახელო ტრადიციებს და არ მიაფურთხებს იმას, რასაც წარსულში ემსახურებოდა და თაყვანს სცემდა. ამ შემთხვევაში კი ცხადი იქნება, რომ მუშათა სოციალისტურ ინტერნაციონალის რიგებში ადგილი არ იქნება არა დაჩაგრულ ერების სოციალისტურ პარტიებისათვის, არამედ იმათთვის, ვინც ცდილობს მის გადაქცევას კომინტერნის ფილიალად და დესპოტიურ საბჭოთა ხელისუფლების მაჩანჩალად.

ივ—იქ.

### კავკასიის კონფედერაციის კითხვების ირგვლივ

(საგულისხმო პარალელები)

#### 2.

ვერც სომხის მოღვაწენი და ვერც სხვა ვინმე უარს ვერა პყდენ, რომ უკანასკნელმა დიდი ომის ამბებმა და რუსეთის რევოლუციამ კავკასიის ერებს შორის შექმნეს მთელი რიგი ახალი, იმედის მომცემი პოლიტიკური თუ საზოგადოებრივი ვითარებანი, რომელთაც საბოლოო ჩამოყალიბებული სახე დღესაც არ მიუღიათ და კვლავ განიცდიან დადებით ხასიათის ევოლუციას. ეს ევოლუცია, ბუნებრივად, მიდის იმ მიმართულებით, რომ კავკასიელთა ურთიერთობა დებულობს უფრო გამოკრეველს და მეგობრულს სახეს, მიდის მათი აუცილებელი დასკვნებისკენ, რის საჭიროებას უკარანებს მთელი მათი წარსული ცხოვრება. მთელი საუკუნეები განვლეს კავკასიის ერებმა განშორებაში და სწორად მიძვეა-კინკლაობაში, იყო ხოლმე პერიოდები და ახლოვებისაც... ყველა ეს მაშინ, თითქოს, სტიქიურად და ქაოტიურად ხდებოდა: სტიქიურად ხდებოდა ზოგის დაკავშირება, სტიქიურადვე ერთმანეთში აშლა და სისხლის ღვრა... ერთის სიტყვით კავკასიაში ხდებოდა ის, რასაც ადგილი ბევრ სხვა ქვეყნებშიც ჰქონია და სადაც ბოლოს და ბოლოს, შემდეგ ჩადენილი შეცდომების შეგნებისა, მიმხვდარან, რომ მათი საარსებო ინტერესები მოითხოვენ კეთილმეზობლურ განწყობილების ჩამოგდებას.

ერთობ დიდი მანძილის გავლა მოუხდათ ხალხებს, მანამ იმ გამოსავალს მიაგნებდნენ, რომელიც უკეთესად დაიცავდა მათ ნაციონალურ მისწრაფებებს.

არაფერი გასაკვირველი არ არის იმაში, რომ ახალი მეთოდების მოხმარება ყველგან, სულპირველად, საკუთარი დამოუკიდებლობის განმტკიცე-

ბით ხდებოდა იქ, სადაც იგი უკვე არსებობდა, ან და ამ დამოუკიდებლობის აღდგენის ცდით, სადაც ისტორიის კაპრიზების მეოხებით იგი დაკარგოდათ. ნუ გამოუდგებით ძალიან შორი ამბების ძიებას და დაგვამაყვილდეთ იმ ისტორიის გახსენებით, რომელიც, ასე ვსთქვათ, ჩვენი თვალების წინ გადაიშალა.

აგერ ბალკანეთის ერები: ძნელია სხვა უფრო თვალსაჩინო მაგალითების მოძებნა იმ ევოლუციის მსვლელობისა, რომელმაც ეს გუშინდელი ყმა-მონები თანდათან დამოუკიდებელ სახელმწიფოებად გადაქცია. დღეს ჩვენ მოწმენი ვხდებით ამ სახელმწიფოთა შორის დიდებული აქტის დადების, დეე-ეს აქტი არ იყოს ჯერ მათი მჭიდროდ შეკავშირება, რის მიღწევა ერთბაშად, თქმა არ უნდა, იოლი საქმე არაა. მაგრამ ასეთი დაკავშირება სავსებით მოსალოდნელია, რადგან იქ ეხლა ყველა მიიხვდარი, რომ მათი დამოუკიდებლობის შესანარჩუნებლად და განსამტკიცებლად, საჭიროა მათი დაკავშირება.

მოკლედ რომ ვსთქვათ, ბალკანეთის ერების ისტორია ხომ ეს არის: ხანგრძლივი მონობა უცხო ძალების ულეს ქვეშ; დამოუკიდებლობის აღდგენა და მისი იარაღით დაცვა; დროგამოშვებით, ძირითადი ინტერესების ცუდად გაგებით, მეზობელი, და სწორად მონათესავე ერები, ერთმანეთს იარაღით ეცემიან; ამას მოჰყვება შემცდარი ნაბიჯების უკუგდება, შემდეგ, თანდათან, მხადდება პროცესი ამ გუშინდელი მოქიშპეების დაახლოვებისა, რომელიც ალბად მოთავდება მათი მჭიდრო შეკავშირებით. უკუაგდეს რა უცხო ბატონობა, ბალკანეთის ერები სულ პირველად დაჯგუფდენ ცალკალკე სახელ-



მწიფობებად; განზორბებაში მყოფნი ეხლა იძიებენ და-  
ახლოვების გზებს, ისე კი რომ კვლავ სრულებით  
დამოუკიდებელნი დარჩნენ.

ჩვენ არ ვფიქრობთ, რომ ასეთი სვლა, ისტორიის  
უბრალო თამაში იყოს. პირიქით, იგი სახელმძღვა-  
ნელოდ არის ნაკარანახევი ყველა იმ ერებისათვის,  
ვისაც მონობა და დაპყრობა გაუცდია.

სწორედ ასეთ სახელმძღვანელოდ უნდა იყოს  
მიღებული იგი იმ ევოლუციის პროცესშიც, რო-  
მელსაც განიცდიან ამ უამად კავკასიის ეროვნე-  
ბანი.

ძალიან საწყენია, რომ უცხო ქვეყნების მიერ ასე  
განვლილი გზები არას ეუბნება კავკასიის ერების  
მტერ-მოყვარეთ. მაგრამ უფრო კი საწყენი ის არის,  
რომ ზოგიერთი სომხის პუბლიცისტებიც ამ გზას  
დასდგომიან და ისინი არც კონფედერაციის შესა-  
ძლებლობას იწამებენ და არც ცალკე კავკასიის რე-  
სპუბლიკების დამოუკიდებლობას.

გავეცნოთ მათ არგუმენტაციას ამ საგნის შე-  
სახებ.

ამ რამდენიმე წლის წინად, ბ-ნ კერენსკის გახეთ  
«დნი»-ში, მოთავსებული იყო წერილი ბ-ნ ხონთქა-  
რიანისა, სადაც ერთად იყო თავმოყრილი ყველა ის,  
რაც, მისი აზრით, შეუძლებლად ხდის კავკასიის  
ერების პოლიტიკურად დაახლოვებას. წერილს თავ-  
ში ასეთი სათაური აქვს: «საქართველოს დამოუკი-  
დებლობა და კავკასიის კონფედერაცია». ჩვენის  
რწმენით იმ არგუმენტაციაში, რომელსაც ავტორი  
გაუტაცნია, სრულებით არ არის, რაც კავკასიის  
ერების დაახლოება-დაკავშირების შეუძლებლობას  
ამტკიცებდეს.

აბა რა ფასი აქვს, მაგალითად ასეთს, მის განც-  
ხადებებს:

«საზარელი მუხიკა... სწორეთ მაშინ დაიწყება,  
როდესაც რუსეთის ჯარი დასტოვებს კავკასიას...  
ასე ვფიქრობთ იმიტომ, რომ ერთხელ უკვე ვიყავით  
მოწამე იმ სამარცხვინო ამბის, როდესაც ოსმალე-  
თის ჯარიც კი იკავებდა მშვიდობიანად სომხეთის  
და საქართველოს სოციალისტურ მთავრობებს. და  
შემდეგ, როდესაც ეს საოკუპაციო ჯარი გავიდა  
ბორჩალოსა და ახალქალაქის მახრებიდან, მეორე  
დღესვე ატყდა ომი სომხეთსა და საქართველოს შო-  
რის, სწორედ იმ განთავისუფლებულ ტერიტორიის  
გამო...»

აქ უალაგო იქნება იმ ომის ნამდვილი ისტორი-  
ის მოყვანა, მაგრამ ერთის წამით წარმოვიდგინოთ,  
რომ იგი სწორედ ისე მოხდა, როგორც ბ-ნი ხონ-  
ქარიანი აგვიწერს, მერე და რაო! განა ეს გამოდგება  
არგუმენტად, რომ ჩვენს შორის მორიგება და მშვი-  
დობიანობის ჩამოგდება შეუძლებელი გამხდარა?  
განა ცოტაა მაგალითი, რომ სახელმწიფოებს ერთ-  
მანეთში უომნიათ, მაგრამ შემდეგში მშვიდობა  
და კეთილი განწყობილება ჩამოვარდნილა? დიდი  
ხანია ქართველი ერი თავის მეზობლებს აძლევს წი-  
ნადაღებას, რომ ყოველი დავა და კითხვა ჩვენ შო-  
რის გარჩეული და გადაწყვეტილი იყოს მოლაპარა-

კებით და ან არბიტრაჟით. რა უშლის სომხებს მი-  
იღონ ქართველების ეს წინადადება? ამუამად მთელი  
ქვეყნიერება ცდილობს ასეთ გზას დაადგეს. იგი უფ-  
რო მალეც მოგვარიგებდა და თავიდანაც აგვაცდენ-  
და, მართლაც-და, სამარცხვინო ომს ორ მეზობელ  
და მოძმე ერს შორის.

ერთი სცადოს ბ-ნ ხონთქარიანმა მისი არგუმენ-  
ტებით დააჯეროს, მაგალითად, ბალკანეთის ერები,  
რომ კვლავ დაემონავონ ოსმალეთს, რადგან ერთ  
ღროს—«ოსმალეთის ჯარიც კი იკავებდა მათ ერთ-  
მანეთში ომის ატეხისაგან». ეცადოს დაარწმუნოს  
უნგრეთი, რომ კვლავ გაითქვიფოს პაბსბურგების  
ავსტრიის იმპერიაში, რადგან ფრანც-იოსების ჯა-  
რებიც კი აკავებდა ამ ორ სახელმწიფოს ომის ატე-  
ხისაგან. და აი უნგრეთმა აღადგინა თუ არა თავისი  
დამოუკიდებლობა, მეორე დღესვე დაიწყო ავსტრი-  
ისა და უნგრეთის შორის ცხარე ომი, რამაც მთელი  
ორი კვირა გასტანა იმის შემდეგ, როცა დიდი ომი  
გათავებულ იყო.

აქაოდა, ვაი თუ ომი ამიტევონო, ამით უნგრეთი  
უკან არ დამდგარა და თავის დამოუკიდებლობაზე  
უარი არ განუცხადებია. ავსტრო-უნგრეთი დაშორ-  
დნენ ერთმანეთს, იომეს კიდევ (რასაკვირველია  
სჯობდა ეს არ მოსვლოდათ) და აი გუშინდელი  
მტრები დღეს რალაცა გზებს ექებენ, რომ დამო-  
უკიდებელნიც დარჩენ და ერთმანეთშიც მორიგ-  
დენ...

ბევრ ასეთ მაგალითს სხვაგანაც ვხედავთ: შორ-  
დებიან დამოუკიდებლობის და თავისუფლების დი-  
დებული იდეის გასახორციელებლად; კვლავ ჯგუფ-  
დებიან, სწორედ, ამ თავისუფლების განსამტკიცებ-  
ლად...

კავკასიის ერების წინაშე სულ პირველად სდგას  
საკითხი: სურთ მათ თუ არა დამოუკიდებელ რეს-  
პუბლიკების ფორმებში ჩამოყალიბება? როდესაც  
ეს ძირითადი კითხვა გადაწყვეტილი ექნებათ, მაშინ  
სულ ადვილად გამოჩნდება ის გზა, რომელიც კავკა-  
სიის ერებს მორიგებს ყველა კითხვებში.

ბ-ნ ხონთქარიანის ზოგიერთი სიტყვები გაფიქ-  
რებინებთ, რომ მას პირადად, მაინცდამაინც, დი-  
დად არ აინტერესებს გახდეს შვილი, უთუოდ, და-  
მოუკიდებელი სომხეთისა. აქა-იქ იგი, თითქოს, და-  
სციინის კიდევ «დობლესტინს სინოვ კავკაზა» იმ  
«აკვიატებული (ანავიანჩიგაია)» იდეისათვის, რომ  
უთუოდ დამოუკიდებელი დარჩნენ... თუ მართლა  
და ასეთია მისი განწყობილება, აბა რით უნდა ვუშ-  
ველოთ მას: თუ ვისმე არა სურს იყოს თავისუფალი  
სამშობლოს შვილი, იქ ჩვენ ვერას გავაწყობთ. განა  
ცხოვრების სინამდვილემ არ იცის მაგალითები,  
როდესაც საპყრობილიდან გამოშვებული ტუსადი  
თხოულბს კვლავ ციხეში დამამწყვდიეთო... საბე-  
დნიეროდ თვით სომხის ერი სულ სხვაფრივ უყუ-  
რებს საქმეს. იმ უბედურ ხნიდან, როცა მან მე-XI  
საუკუნეში დამოუკიდებლობა დაკარგა, მას არასო-  
დეს არ აუღია ხელი თავისი თავისუფლების აღდგე-  
ნაზედ. თვით პატივცემული ავტორი მოწმობს, რომ





განმათავისუფლებელ ბრძოლებში სომხებმა მსხვერპლად მიიტანეს ერთი მილიონი თავისი მოსახლეობისა და განა ეს იმას არ გვეუბნება, რომ სომხობას არასოდეს არ დაუგდია ძველი გზა და ლტოლვა დამოუკიდებლობისაკენ?..

წერილის ერთს ალბათ ბ-ნი ხონთქარიანი ქართველებს თითქო გვამტყუნებს, რომ სწორედ ჩვენი აჩქარებით, რომ არა ვსთქვათ, მეტიჩრობით, მოხდა რუსეთისაგან ჩამოცილება, თორემო სომხებს ახრათაც არ მოგვივიდოდა რუსეთის წინამდევ ერევნიდან ერთი სალდათის გაგზავნაცაო. ადამიანი ერთბაშად ვერ მიხვდება, რა სურდა ავტორს ეთქვა ამ წინადადებით. ქართველები არასოდეს ვმალავთ და ხმამალა და საჯაროთ აღვიარებთ, რომ ჩვენი დამოუკიდებლობის დასაცავად არაფრის წინაშე თავს არ მოვიხრით. ამას არ ვუშალავთ არც რუსებს და არც სხვებს, ვინც კი ჩვენს დამონავებას მოიწადინებს. ომს არავის ვუცხადებთ, მაგრამ არც ჩვენ კერას დავანებებთ ვისმე. ბ-ნი ხონთქარიანი ორს დიდ დაბრკოლებზე ვვითითებს, რომელიც, მისი რწმენით, სომხების კონფედერაციაში შესვლას შეუძლებლად ხდის.

პირველი დაბრკოლება ყოფილა არა მეგობრული დამოკიდებულება ქართველებისა სომხებისადმი. მეორე კი შეუძლებლობა სომხებისათვის საგარეო პოლიტიკურ კითხვებში საერთო ენა გამონახონ კავკასიის სხვა ერებთან. თურმე სომხები შეურიგებელი მტრები ყოფილან ოსმალეთისა და, ასე ვსთქვათ, უანგარო მეგობრები რუსეთისა. კავკასიის სხვა ერები კი არიან რუსეთის დაუძინებელი მტრები და მოყვრები ოსმალეთისა.

გავგრკვიოთ ამ დებულებებში.

სომეხ-ქართველების არამეგობრულად განწყობილი დამოკიდებულება! გულახდით უნდა აღვიაროთ, რომ ასეთი განცხადება ახალიც არის და მოულოდნელიც.

აქამდინ ყველას ის გვესმოდა, რომ მტრობა და ერთმანეთის ხოცვა-ჟლეტა მხოლოდ სომხებსა და თათრებს შორის ხდებოდა; გვსმენია ისიც, რომ მეზობლების ამ უბედურ შეტაკების დროს ქართველები მათ მომარტყებელ რაოლში გამოდიოდნენ. არა ერთი და ორი ასეული სომხის ოჯახი გადაურჩენიათ ქართველებს იმ სისხლის ღვრის დროს, ხშირად თავიანთი თავის განსაცდელში ჩაყენებით. ამნაირი ამბების შემდეგ ვინ დაიჯერებს, რომ ქართველები სომხებს მტრულად უყურებენ?

(შემდეგი იქნება)

გიორგი კუჭული.

### წმნარ ოკეანის პრობლემა

#### X

მოსკოვისთვის დიპლომატიურ სამზარეულოში ცხვირის შეყოფა, ამ სამზარეულოში კავშირების გამოცნობა, მთავარ საზრუნავ საგნად გადაიქცა. დღევანდელ კრემლმა პეტრე დიდის სიტყვები გაიხსენა: თუ ევროპა დაგვირდა, გამოვიყენოთ.

რუსეთს არასოდეს ევროპა ისე არ დასპირებია, როგორც დღევანდელ მეტად გართულებულ საერთაშორისო პირობებში ესაპიროება. მან წყნარ ოკეანის ნაპირებზე მთელი რიგი და მასთან მეტად მნიშვნელოვანი პოზიციები დაჰკარგა; ზოგი პოზიციაც დასაქარგადაა გამზადებული. მოსკოვი ცდილობს ამ დარჩენილი პოზიციების შენარჩუნებას და სადაც მისწვდება, ატლანტიკის, ინდოეთის, თუ წყნარ ოკეანის ნაპირებზე ახალი პოზიციების მოპოებას.

შორეულ აღმოსავლეთში ომის მოლოდინში, ატლანტიკის ნაპირებზე ზურგე უნდა იქნეს უზრუნველყოფილი, მოკავშირე თუ მოკავშირეთა ჯგუფი მოსკოვის გვერდით გამოქიმული. აქეთკენაა დღეს დღეობით მისი მთავარი ყურადღება მიმართული.

ერთ დროს საბჭოთა რუსეთი ატლანტიკის ნაპირებს ასაფეთქებლად მიადგა და კომინტერნის საშუალებით ევროპის მუშებს ბურჟუაზიულ წყობილების წინამდევ ასაჯახებლად იწვევდა. სასურველ შედეგებს ვერ მიადწია, იქ, რის დაპატრონებას ლამობდა, სხვები გაბატონდნენ. მას შემდეგ ფერი იცვალა, მთავარი ამოცანა მოკლე ხნით ჩრდილს შეაფარა და მესამე ინტერნაციონალს შესასრულებლად ახალი ამოცანა წამოუგორა: მან მეორე ინტერნაციონალი გვერდში უნდა ამოიყენოს და ორთავემ ერთად ევროპის საზოგადოებრივი აზრი მოსკოვის სასარგებლოთ აამუშაონ. ისედაც დაბნეული ევროპის ერთი ნაწილი უკვე გაყვირის: მოსკოვისებური ბატკანი ღმერთს არ გაუჩენია და ვისაც ომი არ გასურს, კრემლს ეამბოჯო.

თუ კომინტერნი ევროპაში რუსეთის სასარგებლოთ საზოგადოებრივ აზრს ამუშავებს, მოსკოვის დიპლომატია საბჭოებს ატლანტიკის ნაპირებზე მოკავშირეებს უძებნის.

ოდესღაც წყნარ ოკეანის ნაპირებისკენ მაკქერალი ჩიჩერინი, ატლანტიკისკენ მაყურებელ ლიტვინოვმა შესვცვალა. ევროპაში მოკავშირეთა შოვნა მოსკოვისთვის მით უფრო სასურველია, რომ შორეულ აღმოსავლეთის საფრთხეს. ევროპის შუაგულ, ვერსალის ხელშეკრულებით დაბორკილ გერმანიის საფრთხე თან წაემატა. დღევანდელ გერმანიის მიზანია რუსეთის დასუსტება-დანაწილება. რეიხენგალის ყრილობის დროდან პიტლერი და მისი თანამშრომელი რუსეთის დასუსტების პლანით სულდგმულობენ. ამ ყრილობის ხანაში, ნაციონალ-სოციალისტური პარტია, აკვნიდან ახალი, ამოსული იყო, საკუთარ ფეხებზე ძლივსად დგებოდა. დრომ განკულო. ნაციონალ-სოციალისტური პარტია სახელმწიფოს მთავარ ფაქტორად გადაიქცა და გერმანიის სა-



ფრთხეც მოსკოვის მიმართ ვადიდდა. შორეულ აღმოსავლეთში რუსეთი იაპონიის შორის გამწვავებულ დამოკიდებულებამ და ევროპაში, გერმანიის ჩინში მოქცევამ, გერმანია-იაპონია ერთმანეთს გადააბა, პოლიტიკურ, ეკონომიურ თუ სამხედრო ასპარეზზე მათ თანამშრომლობა უდაო გახადა. რუსეთმა ატლანტიკის ნაპირებზე ზურგის უზრუნველ საყოფად ათეული პაქტები დასდო და ერთა ლიგაშიც. ამ ბურჟუების, როგორც მოსკოვში უყვარდათ ლაპარაკი, საროსკიპოში მოეწყო.

ჩრდილო ამერიკის შეერთებული შტატები დიდი ხნიდან უარყოფენ წყნარ ოკეანეს ნაპირებზე იაპონიასთან კონტროლის დაყოფას. ხოლო ჩრდილო ამერიკის აზიის ნაპირებამდე სიშორე, სავაჭრო მხარის მის ბატონობას ამ ნაპირებზე, ამერიკის სამხედრო ფლოტის უახლოესი ბაზა წყნარ ოკეანეზე, გონოლულუა. იაპონიის ზღვამდე მისაცურავად ხუთიდან შვიდ ათასამდე მილი უნდა გადააახოს, ერთი თვე გზას მოანდომოს. შორეულ გზით მიცურულ სამხედრო გემების მდგომარეობა, ომის დროს, სხვის ზღვებში, დიდი სანატრელი როდია. არც ისე დიდ დროს გაუვლია, რომ შეერთებულ შტატებს რუსეთ-იაპონიის ომი დაეწყებოდა. შტატებს და ამ ომის დროის მთავარი ეპიზოდი—ცუსიმის ბრძოლები—მას არ ახსოვდაც. რასაკვირველია, ამერიკის სამხედრო ფლოტი, რუსეთის დამპალი კიდობანები როდია, რომელნიც რუსეთ-იაპონიის ხელჩართულ ომის დროს, თავიდანვე განწირულნი. შორეულ აღმოსავლეთისაკენ ძლივს-ძლივობით მიგორავდნენ. ამერიკამ თავის სამხედრო ფლოტს ტექნიკის უკანასკნელი სული ჩაბერა. დიდი ომის გამოცდილებამ, ზღვაზე საომარი ახალი მეთოდების გამოყენება შეათვისებინა. ეს ფლოტი მოქნილი და მეტად ძლიერია, როგორც ამას 1934 და 1935 წლების საზღვაოსნო აღლუმები ადასტურებენ. ხოლო ამერიკის ფლოტის მთავარი ბაზის დიდი სიშორე აზიის ნაპირებამდე, იაპონიის ფლოტს უპირატესობას აძლევს. თუ ამ ორ სახელმწიფოთა შორის ომი მოხდა, წყნარ ოკეანეზე ბატონობის შესანარჩუნებლად ამერიკა ცდილობდა ვაშინგტონის კონფერენციიდან მოყოლებული ან ინგლისის ან საფრანგეთის ან ორთავესი ერთად საზღვაო სიძლიერეს დაყრდნობდა. ხოლო იმავე ვაშინგტონის კონფერენციიდან მოყოლებული, სამხედრო სპეციალისტები შეერთებულ შტატების მთავრობას ურჩევდნენ, წყნარ ოკეანეს ნაპირებზე ბატონობის შესანარჩუნებლად არა საექვო ალბიონს, ან კიდევ უფრო საექვო საფრანგეთს, არამედ ძლიერ რუსეთს უნდა დაუშვებოდნენ და იაპონიის წინამძღვ ბრძოლაში, მოსკოვი უნდა გამოიყენოვო. სპეციალისტთა რჩევისთვის შეერთებულ შტატებს ერთხელაც არ უღალატია. სანამ საბჭოთა რუსეთი სუსტი იყო, მის გაძლიერებას წყნარ ოკეანეს ნაპირებზე ხელს უწყობდა, ამერიკის დიპლომატია მთელი უკანასკნელი წლები წინამდგვი იყო იაპონიასთან ყოველგვარი შეთანხმებისა წყნარ ოკეანეს ნაპირების საკითხებში, თუ წინასწარ მოსალაპარაკებლად არ იქნებოდა საბჭოთა რუსეთი მოწვეული.

იაპონიის მოთხოვნებამ, რათა გაუქმებულ იქნას საზღვაო ხელშეკრულება 1922 წელს ვაშინგტონში და 1930 წელს ლონდონში დადებული, პრეზიდენტი რუზველტი აიძულა ლიტვინოვი ვაშინგტონში მოეწვია და მასთან ერთად, შორეულ აღმოსავლეთში საერთო სამოქმედო გეგმა გამოემუშავებინა. იაპონიის მხრივ ზღვაზე თანასწორობის მოთხოვნის გამო შეერთებული შტატები აიძულა 48 საზღვაო გემიც ატლანტიკის ოკეანედაც, წყნარ ოკეანეზე გადაიყვანა.

ზოგი რამ, რის შესახებაც ჰქონდათ ლაპარაკი რუზველტ-ლიტვინოვს ვაშინგტონში და რა დიპლომატიური შეთანხმება მოხდა მათ შორის, არავინ უწყის. დიპლომატია იმისთვის არსებობს, რომ მისი ნამოქმედარი სინთაზე არ გამოცოცდეს. ხოლო რაც უდავოა, ეს ლიტვინოვის მიერ, პრაქტიკულ ამერიკელებისთვის პრაქტიკული დაპირებების მიცემა. რადგან დაპირებები დაპირებებად დარჩა, პრაქტიკული ამერიკაც აყიყინდა და მეტად ძვირ დიპლომატიურ წარმომადგენლების მოხსნას მოითხოვს მოსკოვიდან.

შეერთებული შტატების ეკონომიური სიძინელები, ამ ქვეყანაში საზოგადოებრივი აზრის ახმაურება რუსეთის წინამდგე და უკანასკნელი ლონდონის საზღვაო მოლაპარაკება, როცა ვაშინგტონი, რომ დიდი ბრიტანეთი დათმობის გზას დაადგა იაპონიის მიმართ და უარყოფდა მხარი დაუჭირდა არსებულ საზღვაო ხელშეკრულებას, ყოველივე ეს მიტად მოხერხებულად გამოიყენა იაპონიამ. დამთავრდა რა იაპონიის ზღვების მანკობლად, შეერთებულ შტატების სამხედრო ძალების აღლუმები, რომლის მსგავსი წყნარ ოკეანეს არ უნახავს, და ამერიკის გემები დაუბრუნდა რა თავის ბაზებს.—იაპონიამ ამას შიდა მონგოლიაში—ჩახარის და ჩინეთში—აღმოსავლეთ ჩინეთის ოკუპაციით უპასუხა.

ჩახარის ოკუპაცია ნიშნავს იმ უკანასკნელი ძალების გაწყვეტას, რომელნიც აერთებდა რუსეთს ჩინეთთან. მისი ოკუპაციით ბოლო ეღება ჩინეთის წითელ არმიელთა კომინტერნის მიერ ლეგალურად იღებურ და მატერიალურ კვებას. ამავე დროს იაპონიას გზა ეხსნება გარეშე მონგოლიასა და მისი საბატო ქალაქ ულან-ბატორისაკენ (ურგა).

ჩინეთის აღმოსავლეთ პროვინციების დაჭერით იაპონია აძლიერებს თავის პოლიტიკას, ჩინეთი სათანამშრომლოთ ჩაითრიოს აღმოსავლეთ აზიის საკანტროლოთ. მართლაც, რომ წყნარ ოკეანეს ნაპირებზე მოვლენანი ვითარდებიან უფრო ჩქარის ნაბიჯით, ვინემ ეს მოსალოდნელი იყო.

უკანასკნელი ამბები, რომელიც შორეულ აღმოსავლეთში მოხდა, იმის მაჩვენებელია, რომ არა მარტო რუსეთის, შეერთებულ შტატების მდგომარეობაც ძალზე შეილახა. შეერთებულ შტატების კანტროლი წყნარ ოკეანეზე ხდება ეფემერული, ბოლო ეღება. შესცვლის თავის დამოკიდებულებას ამერიკა იაპონიის მიმართ, დადგება მასთან შეთანხმების გზას? ჯერ ჯერობით ამის თქმა ძნელია. ხოლო თუ ეს მოხდა, მაშინ ვაშინგტონ-მოსკოვის და-





მეგობრების საკითხი მეტად საეგვიპტო შეიქნება და შესაძლოა მათ დამოკიდებულებაში ბევრი რამ მოულოდნელი მოსალოდნელად გადაიქცეს.

ერთ დროს ამერიკამ იაპონიის წინააღმდეგ ბრძოლის პროცესში მონაწილე დოქტრინა გადმოაგორა; ამერიკა-ამერიკელებს. იაპონია შეერთებულ შტატებს ლოზუნგში არ ჩამორჩა; ორ ოკეანეთა შუა მდინარე შეერთებულ შტატებმა პასუხად მიიღო: აზია-აზიელებს. აზია-აზიელებს, თანდათან აზიის ლოზუნგად ხდება.

o, ხალაყაია.

### უცხოეთის მიმოხილვა

ერთა ლიგის კრიზისი.

«Morning Post» სწერს ერთ თავის მეთაურში, რომ პაციფისტები ქადაგებენ ზავს და ომისაგან კი მიგვევარათო! მართლაც, ევროპის მემარცხენე პრესა, მეორე და მესამე ინტერნაციონალი, ჩაფლუნნი ფაშინძეთან ბრძოლაში, ვერ ამჩნევენ, რომ მათ ტაქტიკას შეუძლია საერთაშორისო ხანძარი გამოიწვიოს, რაიცა ასე ხელსაყრელია მოსკოვისთვის, და ამას არც კი მალვენ მისი დელეგატები ყენევაში, რომელთაც საიდუმლო კავშირი აქვთ ყველა ქვეყნის ურარველთუციონერებთან და უჩიხინებენ მათ, რომ დუჩეს დაცემა ფიურერის დაცემით დამთავრდებაო. მემარჯვენენი, თავის მხრით, გააფთრებულათ იცავენ იტალიის ექსპანსიის «კანონიერებას» და ამისათვის მზად არიან ზვარაკად მიიტანონ ნეუუსის ეთიოპია და მისი «ველურნი» ქვეშევრდომნი.

საშინაო და საგარეო პოლიტიკის ეს არეცდარევა მეტათ აძნელებს ერთა ლიგის წინაშე დასმულ მძიმე ამოცანის სწორ გაგებას და პირუთენელ დაფასებას. როცა ამ სტრიქონებს ვწერთ, ჯერ კიდევ არ ვიცით, როგორ მსვლელობას მიიღებს ამბები, გავარდება თუ არა თოფი აღმოსავლეთ აფრიკაში, მოყვება თუ არა მას ომი ხმელთა შუა ზღვაზედ ინგლისსა და იტალიას შორის, რას იქს საფრანგეთი, სხვა სახელმწიფოები, როგორ შეხვდება გერმანია ომს ყოფილ მოკავშირეთა შორის, ერთი სიტყვით, შესძლებს თუ არა ერთა ლიგა თავის მოვალეობის პირნათლათ შესრულებას, ე. ი. იხსნის თუ არა ზავს.

ხალასი ქვეშარტება დადადებდა ინგლისის საგარეო მინისტრის სერ სამუელ ჰორის პირიდან, როცა მან სთქვა თავის ისტორიულ სიტყვაში: ერთა ლიგა არის, რასაც მისი წევრები მოისურვებენო. მას არ გააჩნია არავითარი უზენაესობა, თავის ნებით ვერ გადასჭრის ვერც ერთ კითხვას, ვერავის დააძლავებს თავის ნებას, არა ჰყავს შეიარაღებული ძალა. ამიტომ სრულიად უსაფუძვლოა ის გალაშქრება, რომლის ობიექტად ხშირად ერთა ლიგა ხდება, თითქო მისგან იყოს ომი და ზავი დამოკიდებული და ის კი ყოველ ნაბიჯზედ მხოლოდ უძლურებას იჩენდეს.

სერ სამუელ ჰორის სიტყვას ჩვენ ისიც უნდა დავუმატოთ, რომ ესაა არა ყველა წევრები, არამედ დიდი სახელმწიფოები, რომელნიც იქითკენ გამოაბამენ ყურს ერთა ლიგას, საითკენაც თვითონ მოისურვებენ. ამით აიხსნება, მაგალითად, ის უმაგალითო ფაქტი, რომ შარშან მათ დაუშვეს მოსკოვი-ნამდვილი სიმბოლო საერთაშორისო და სამთქალაქო ომებისა—ერთა ლიგის წიადში და საქართველოს წინაშე აღებული ვალდებულება სრულიად დაივიწყეს. ჩვენ, ქართველნი, ძალიან აღვშოფოთდით, მაგრამ ეს არ ნიშნავს, წონასწორობა დავკარგოთ და ცხენის მაგიერ უნაგირს მოვუერთოთ.

დასაწყისში, როცა იტალია-აბისინიის დავა დაისვა ყენევაში, სახელმწიფო-წევრნი სულაც არ დელავდენ და იგი ერთი კალმის მოსმით ჩამოაცილეს ლიგას! ასე მოისურვეს «დიდებმა»: ინგლისმა, საფრანგეთმა და იტალიამ, რომელნიც ირგვლივ შემოჯდომიან «მეფეთა მეფის» სამფლობელოს და ათასგვარი პირობები აქვთ დადებული ურთიერთ შორის, რასაკვირველია, თვით აბისინიის წარმომადგენელნი დაუსწრებლათ. მართლაც, დავის გადაჭრა შეეძლოთ მხოლოდ სამ «დიდს», სკადეს კიდევ რომში, პარიზში, ლონდონში და ვერ მორიგდენ. და აი, სწორეთ მაშინ მოაგონდათ ისევ ყენევა, აბისინია ხომ ერთა ლიგის «სწორუფლებიანი» წევრია, დეე დავა მან გადასჭრასო.

ყენევაშიც, რა თქმა უნდა, ყველაფერი დამოკიდებული იყო იმაზე, თუ რას იტყოდენ «დიდების» წარმომადგენელნი. ჩვენ უკვე ვუწოდეთ «ისტორიული» სერ სამუელ ჰორის სიტყვას. რატომ? იმიტომ, რომ ინგლისი არც ერთხელ არ გამოსულა ლიგის პაქტის ასე თავგამოდებულ დამცველად: ომისა და ზავის კითხვაში ჩვენ უნდა ვიხედომდევანელოთ მხოლოდ და მარტო პაქტით და, თუ ერთი რომელიმე წევრი გადაუხვევს მის მუხლებს, ყველა დანარჩენ წევრებმა უნდა მივიღოთ ზომები მის წინააღმდეგ კოლექტიურათო—ამბობდა ის. მეტათ ძნელი იყო პიერ ლავალის მდგომარეობა, რადგან ის პირველი მოუბრუნდა მუსოლინის რომში, გასულ იანვარს, და ბოლო მოუღო იტალია-საფრანგეთის მწვევე დავას აფრიკის სხვა კუთხეებში,—როგორ შეეძლო მას ასე კატეგორიულათ დაეცვა პაქტის ხელუხლებლობა და, მაშასადამე, იტალიის გაწყინება? მიუხედავთ ამისა, ლავალმა ვერ შესძლო საფრანგეთის ტრადიციულ პოლიტიკის გადახვევა ლიგის მიმართ და ურეხერვოთ თავის ინგლისელ კოლეგას, მიემხრო. რაც შეეხება იტალიას, მან წარმომადგინა ვრცელი მემუარი იმის შესახებ, რომ ნეუუსი არღვევს მასთან დადებულ პირობებს, მისი სამფლობელო ყოველნაირ ველურობის სამშობლოა, საქრობა, იტალიამ, რომლის ექსპანსია ყველას მიერ ცნობილია, თავის ხელისუფლებას დაუქვემდებაროს ეს ქვეყანა და იქ თავისი «ცივილიზატორული» მისისია პირნათლათ შეასრულოსო.

და ამას მოყვა გაუთავებელი დეკლარაციები სხვა დელეგატებისა ლიგის ყრილობაზე. ყველა მათი დედა-აზრი იყო სახეიმო დასტური იმისა, რაც ჰორ-



მა და ლავალმა სთქვეს. მაშ რა შედეგით მცირე სახელმწიფოთა დელეგატებს, თუ არა ლიგის პაქტის დაცვა, ეგ ხომ ერთ-ერთი სუსტი იარაღია მათი დამოუკიდებლობის უზრუნველსაყოფელად? «დიდებიდან» მოსკოვის დელეგატმა, რა თქმა უნდა, მხურვალეთ დაიცვა პაქტი, რადგან კოლექტიური დახმარება მცირე სახელმწიფოთა ნაკლებ არ ექვივრება ხმელეთის მეექვსედს. მწარე ლიბოს ვერცა, მეორეს მხრით, საბჭოთა არარუს ერთა წარმომადგენელთ, ლიტვინგის მიერ აბისინიის და საზოგადოთ «მცირე ერთა გამოსარჩლება». მათ არ ჰქონდათ საშუალება გამოეთქვათ თავისი აზრი ამ საგანზე, ცალკე ნოტაში ამხილეს იგი და დაურვიეს ყველა დელეგატებს.

პარალელურათ ხუთთა კომისია, ლიგის საბჭოს მინდობილებით, შესათანხმებელ გეგმას იმუშავებდა, რომელიც კიდევ გადაეცა იტალიის და აბისინიის მთავრობათ. ეს გეგმა არსებითათ იმეორებს ინგლის-საფრანგეთის დათმობებს პარიზის სამთა კონფერენციანზე, გასულ თვეს, შეაქვს ზოგიერთი შესწორებანი, მაგრამ აბისინიის უზენაესობას თითქო «ურყევავთ» სტოვებს: იტალიას მოეჭურება მოსაზღვრე ადგილები აბისინიის ტერიტორიიდან, აბისინიას ეძლევა წითელ ზღვანზე გასავალი ინგლისის და საფრანგეთის ხარჯზე, ეწყობა აბისინიაში საერთაშორისო ჟანდარმერია და პოლიცია, ინიშნება ნეგუსის კარზე საერთაშორისო მრჩეველნი და სხ.

ხუთთა გეგმა იტალიამ უარყო: არაა საკმარისი, არ უწყევს ანგარიშს იტალიის საჭიროებათო, მაგრამ დადგენილების კილოდან გამოსჰვივის თითქო მოლაპარაკების განგრძობისთვის არაა ყველა კარები დახშული. იტალიას აშკარათ არ სურს, რომ არსებულ კონფლიქტზე ერთა ლიგამ გამოიტანოს მსჯავრი. ინგლისი კი ამის წინამდევია: ჩვენ საქმათ ვითათბირეთ და ვერ მოვრიგდით, ერთა ლიგა უკანასკნელი ინსტანციაა, დეე მან გადასურას დაგაო. დარჩა საფრანგეთი, რომელმაც უნდა იკისროს შუამავალის როლი, ლავალი სწორეთ ამ ჰაპანს ეწეოდა და ჯერ ვერაფერს მიაღწია.

ამასობაში ინგლისის თითქმის მთელი ფლოტი ხმელთაშუა ზღვანზედა დაბანაკებული, გიბრალტარი ჩაეცტა და სუეცის არხის ჩაეცტვასაც ლამობს, რაიცა მოასწავებს იტალიის მოწყვეტას აფრიკაში გაგზავნილ 200.000 ჯარისგან და სურსათის თუ ამუნიციის მიღებას ატლანტიკის გზით. ნიშნავს თუ არა ეს საომარ შეტაკებას ორ «მოკავშირე» სახელმწიფოისა? არავინ იცის! ინგლისიდან მოისმის, ჩვენ ერთა ლიგის განკარგულებაში ვართ, როგორც ის გადასურის, ისე მოვიქცევითო. მეორეს მხრით, აფრიკაში წვიმების სეზონი დამთავრდა, დაიწყებს თუ არა იტალია აბისინიაზე შეტევას? მისი ჯარები, ამის ვარდა, ლიბიის გზით ინგლის-ეგვიპტეს სუდანს უახლოვდებიან!

აი, დაახლოებით მთელი სურათი. რა შეუძლია ერთა ლიგას? ჯერ თითქო არაფერი, სანამ თოფი არ გავარდნილა. მისი საბჭო ალბათ ხუთთა გეგმას ოფიციალურათ დაადასტურებს, შემდეგ შეიძლება

თვით ყრილობამ სპეციალური კომისია გამოყოს ამგების სათვალყურით და თავის დროზე ჩასარევათ. ჩარევა მოასწავებს სანქციებს თავდამხმელის წინამდევ ეკონომიურ, ფინანსიურ, სამხედრო სახისა, თანახმათ პაქტის მე-16 მუხლისა. ასეთი მიძიმე გადაწყვეტილებისათვის საჭიროა ერთსულოვნება, ე. ი. თუ ერთმა წევრმა მისცა ხმა წინამდევ, დადგენილება ძალაში ვერ შევა. მაგრამ კიდევ რომ შევიდეს ძალაში, შესარულებენ თუ არა მას ყველა სახელმწიფოები? მაგრამ ვინც ლიგაში არ შედის: გერმანია, იაპონია, შეერთებული შტატები, განა ესენი მოისურვებენ ლიგის ნებაზე მოიქცენ? აი, მთელი რიგი კითხვებისა, რომელიც ართულებს ისედაც ვართულებულ მდგომარეობას.

უკანასკნელათ უნდა ვახსენოთ ორი ცნობა, რომელსაც, თუ გამართლდა, უაღრესი მნიშვნელობა ექნება: 1) ინგლისმა დადებითათ უპასუხა საფრანგეთის შეკითხვას ცენტრალურ ევროპას (ავსტრიის დამოუკიდებლობა) მოსალოდნელ გართულებაშიც ლიგის პაქტს დავემყარებოთ; 2) იტალია მზათაა ხუთთა გეგმა მიიღოს, თუ ჟანდარმერიის, პოლიციის და მრჩეველთა უფროსები იტალიელები იქნებიანო. პირველი ცნობა ზურგს უმაგრებს ლიგას, რომ კრიზის თავი დააღწიოს, მეორე კი გამოსავალს იძლევა იტალია-აბისინიის დავის მოჯადოებულ წრიდან.

**ს ა ქ ა რ თ ვ ე ლ ო ს ს ა კ ი თ ხ ი**

მშვიდობიანობის ინტერნაციონალურმა საზოგადოებამ გასულ აგვისტოში შემდეგი რეზოლუცია მიიღო:

მშვიდობიანობის ინტერნაციონალურმა საზოგადოებამ, შეკრებილმა ბრიუსელში საერთო კონგრესზე, ერთხმად მოიწონა მისი გენერალური მდივნის მოხსენება საქართველოს შესახებ და აცხადებს, რომ პაციფისტებს არ შეუძლიათ არ იყვენ დანიტერესებულნი ამ ქვეყნის მდგომარეობით განსაკუთრებით საბჭოთა კავშირის ლიგაში მიღების შემდეგ, რაც მოხდა ჩვენ მიერ ლოკარნოში გამოთქმულ სურვილის თანახმად. ამნაირად საზოგადოება არ დასთმობს ამ საკითხის შესახებ მის მიერ აღებულ და წლობით განმტკიცებულ პოზიციას.

მშვიდობიანობის ინტერნაციონალურ ბიუროს ევალება კონგრესის მიერ საქართველოს დამოუკიდებლობის აღდგენის სასარგებლოთ გადადგას ყოველივე ნაბიჯი მდგომარეობის მიხედვით.

ერთა ლიგის დამხმარე საზოგადოებათა ინტერნაციონალური კავშირის დელეგაცია, რომელშიაც შემდიოდენ ევროპის თითქმის ყველა სახელმწიფოს წარმომადგენელნი, 14 სექტემბერს წარუდგა ერთა



ლიგის მე-16 ყრილობის თავმჯდომარეს ბენეზს. დელეგაციაში მონაწილეობას იღებდნენ საქართველოს წარმომადგენელი ბ. შავიშვილი და უკრაინის ბ. შულგინი, თავმჯდომარეობდა ბ. ლიმბურგი, პოლანდიის მთავრობის დელეგატი ერთა ლიგის ყრილობაზე და ყოფილი თავმჯდომარე ლიგის დამხმარე საზოგადოებათა კავშირის.

ბ. ლიმბურგმა წარუდგინა ერთა ლიგის ყრილობის თავმჯდომარეს რეზოლუციები, კავშირის ყრილობის მიერ მიღებული ბრიუსელში ამ წლის ივნისში, მიაქცია ბენეზის ყურადღება ამ რეზოლუციებზე და თხოვა მათი გამოქვეყნება ერთა ლიგის ოფიციალურ გამოცემაში. ბენეზმა ჩვეულებრივი თავაზიანობით უპასუხა და დაჰპირდა, რომ ყველაფერი შესრულებული იქნება.

უნდა აღინიშნოს, რომ ამ დელეგაციის მოწყობა და წარდგენა მოხერხდა ერთა ლიგის დამხმარე საზოგადოებათა ინტერნაციონალური კავშირის გენერალური მდივნის ბ. რიუსენის ენერგიული მეცადინეობით.

❖  
**წერილი ამერიკიდან**

იტალია ეთიოპიის დამოუკიდებლობის გამწვავებას შეერთებულმა შტატებმა ნეიტრალიტეტის გამოცხადებით უპასუხა. შესაძლებელია, ამით თავი ვერ დაიხლოს და საერთო ფათერაკს ვერ დაახწიოს, მაგრამ ამ დროით უკეთესი გამოსავალი არ ჰქონდა...

გასული აგვისტო, მომეტებულად მისი უკანასკნელი დღეები, კონგრესისა და მთავრობისთვის მეტის მეტად მძიმე და ინტენსიური თვე იყო. კონგრესმა არაჩვეულებრივად გააგრძელა თავის სხდომები, რომელიც საერთოდ მაისში ან ივნისში თავდებოდა, და განიხილა ბევრი საყურადღებო კანონი: აგრიკულტურულ, მრეწველობის, სოციალურ და სხვა დარგებში. ამ მე-74 კონგრესმა ათ მილიარდ დოლარზე მეტი ფული გადასდო საერთო მდგომარეობის გასაუმჯობესებლად...

ფედერატული მთავრობა და მუნიციპალური მართველობანი შეეცადნენ უმუშევრების გადაყვანას «შემწეობის წილიდან» (რომელიც უდრიდა საშვალ ოჯახისთვის საერთოდ 12 დოლარს კვირაში) მუნიციპალურ და სახელმწიფო სამუშაოზე...

საგარეო დარგში საყურადღებო მოვლენა მოხდა: საბჭოებისა და შეერთებულ შტატების, ამ «ორ დიდ ერთა მეგობრობას» (რომელიც არასოდეს იყო დამყარებული) ცივი წყალი გადაეხსა.

კვირას 25 აგვისტოს შეერთებულ შტატების მთავრობის ელჩმა ვ. ბულოტიმა მისი მთავრობის სახელით პროტესტის ნოტა ჩააბარა საბჭოების საგარეო კომისარის მოადგილეს ნ. კრისტინსკის. ნო-

ტა აბრალებდა საშინაო საქმეებში ჩარევას და საბჭოების საგარეო კომისარ მაქსიმე ლიტვინოვის ხელმოწერილი დაპირების დარღვევას.

ნოტაში ნახმარია ასეთი წინადადება: «მთავრობა შეერთებული შტატებისა მოელის მეტად სერიოზულ შედეგებს, თუ საბჭოების მთავრობას არ უნდა ან არ შეუძლია მიიღოს შესაფერის ზომები»...

აქ ნოტას სთვლიან «მაგრად» შედგენილად. მთელმა პრესამ მხარი დაუჭირა მთავრობის ნოტას, რომელიც თვით პრეზიდენტ რუზველტის ნაკარნახებია.

ვაშინგტონის სარწმუნო წყაროებიდან ცნობა მოდის, რომ ერთი მიზეზთაგანი პროტესტისა იყო კომუნისტების განცხადება მეზიდე კონგრესზე (ბულოტი კომუნისტ დიმიტროვის), რომ კომუნისტების პარტიამ პრეზიდენტ რუზველტს უნდა დაუჭიროს მხარი მომავალ არჩევნებში, თორემ თუ ის დამარცხდა, მისი მოწინააღმდეგე ჩვენ ტყავს ვავვაძობოდა.

აქაურ მთავრობას ასე უფიქრია: «გადამარჩინე მეგობრებს—მტერს მე თვითონ მოვერვეიო»...

კონგრესის წევრების კომენტარები მრავალი იყო: «თავიდან შეცდომა იყო საბჭოების ცნობა»; «უნდა გვცოდნოდა, რომ საბჭოების მთავრობის მოქმედება არ განირჩეოდა კომუნისტურ პარტიის მოქმედებიდან»; «ჩვენ სული წაიწყმიდეთ რუსეთთან აღებ-მიცემის მოწყობისთვის, რომელიც ზღაპარი გამოდგა»; «რამდენად ადრე გავვეყრებოთ საბჭოებს, იმდენად უკეთესი იქნება». -ა და სხვა.

ცნობილ სენატორმა ვ. ბორამ და ჯანსონმა, ვინც რუსეთის ცნობის მომხრენი იყვნენ, ახლა უარი განაცხადეს თავის აზრის გამოქმნაზე.

«ნიუორკის ტაიმსი» თავის მოწინავე წერილში 26 აგვისტოს ამბობს: «საბჭოების მთავრობამ მიიღო ჩვენგან ცნობა მხოლოდ იმ პირობით, რომ შეწყვეტდნენ ყოველგვარ პროპაგანდას ჩვენ წინამდევო. მაგრამ საბჭოების მთავრობის დაპირებები საერთოდ ისე სანდოა როგორც ქვიშის თოკი. როცა მესამე ინტერნაციონალი მოსკოვის კონგრესზე ხმარობდა უნებუნას, შეერთებულ შტატების წინამდევ შეთქმულობას ამზადებდა და რუსეთის მოქალაქენი დასტურს აძლევდნენ, მაშინ საბჭოების მთავრობა ამის მაყურებელი და მსმენელი განზე იხედებოდა, თითქოს ვერაფერს ამჩნევდაო»...

აზრთა სვეკულაცია და მარჩიელობა დაიწყო პრესამ, თუ რა პასუხს გასცემდა მოსკოვი, და სწორედ მოხდა ის, რასაც თითქმის ყველა სწერდა—რომ საბჭოები ისე სულელები არ უნდა იყვნენ, რომ უარზე დადგნენ.

ნ. კრისტინსკიმ უპასუხა: ჩვენ კომინტერნის მოქმედების პასუხის მეტელი არა ვართო...

ამან მოთმინების ფილა აავსო. პრესამ ერთხმად დაჰკმო: უარესი პასუხის გაცემა არ შეიძლებოდა. ხომ ქვეყანამ უწყის, რომ საბჭოების მთავრობა და კომინტერნი ისე არიან ჩახლართული და ერთად შეწინილი რომ ვერ გააჩვენ, რომელი რომელია. დი-



დი ნაწილი პრესისა იმასაც უმატებს—ახია პრეზიდენტ რუხველტზე—რატომ იცნო საბჭოებიო. დიდი ნაწილი პრესისა, პასუხისმგებელი პირები და ორგანიზაციები მოითხოვენ საბჭოებთან დამოკიდებულების შეწყვეტას. სინემებში და თეატრებში დაიწყეს საბჭოების საწინააღმდეგო ცნობების მოწოდება და სურათების ჩვენება. სხვათა შორის აჩვენებენ რუსეთის ტერიტორიაზე შემშილისაგან მომაკვდავ ხალხის სურათებს. ამ სურათებს ეძლევა შესაფერი ახსნა და განმარტება. ბოლოს მოუწოდებენ: «ჩვენ არ გვინდა აქ ასეთი ცხოვრება და ასეთი მთავრობა, ვისაც მოსწონს, იქ წავიდეს», და ორთქმავალ გემს აჩვენებენ რუსეთისკენ მიმავალს...

საკვირველია, რამდენი მასალა ჰქონიათ და როგორ ამ პატარა ინციდენტმა ეს საჯაროთ გამოაჩინა.

შეერთებულ შტატების მთავრობამ ოთხი დღით დააგვიანა საბჭოების პასუხის პასუხი. ბოლოს საგარეო მინისტრმა კ. პოლმა გამოაქვეყნა, როგორც «ვაშინგტონ პოსტ» უწოდებს, «ჟეკიანი და დიპლომატიური» წერილი, ალბად, «ვისაც ის ეხებოდეს», იმის საყურადღებოდ. ამ წერილში საგარეო მინისტრი იმეორებს, რომ საბჭოებმა დაარღვიეს დაპირებანი, რომ მათ ვერ უარყვეს დანაშაულობის ფაქტები, რომ საბჭოებს არ შეუძლიათ უარყონ პასუხისმგებლობა შეუძლებლობის მიხეზით და სხვა... და ათავებს იმით, რომ საბჭოების მომავალ მოქმედებაზე დამოკიდებული, თუ ამ ორი ქვეყნის ურთიერთობა გაუარესდებოდა.

თვით მოსკოვის კონგრესის შობაბუქდილება გადმოცემულია ბოლშევიკების მეგობარ «ნიუორკი ტაიმის» კორესპონდენტი ვოლტერ დურანტის მიერ (მოსკოვი 21 აგვისტო), სადაც სხვათა შორის ავტორი ამბობს:

«გამოცდილი საზღვარ გარეთელი დამსწრენი და მიმოხილველნი ფიქრობენ, რომ კონგრესი იყო მხოლოდ დიდი გამოფენა სიტყვების რახარუხისა და თავიარობისა, რომ «შეერთებული ფრონტის» ტაქტიკა ნამდვილად იყო მანევრები ნილაბის ჩამოსაფარებლად გაკოტრებულ კომუნისტებისთვის, რომელიც უკანასკნელი ხუთი წლის განმავლობაში წინ ვერ წაიწია, პირიქით დამარცხდა სასტიკად გერმანიაში, იტალიაში, ისპანიაში და სხვაგან... მასთან, საბჭოების ცდა კაპიტალისტურ ქვეყნებთან დამოკიდულების გასაუმჯობესებლად სასირცხო მდგო მარეობაში აყენებს კომიტერს, რითაც აიხსნება თანდათან მისი პრესტიჟის და გავლენის დაკარგვაო»...

სანამ რუსეთ-ამერიკის ნოტების გამოცვლა დაიწყებოდა, თითქმის ერთი კვირის წინეთ ე. ი. აგვისტოს 20-22, ნიუორკის შტატის მუშათა ფედერაციას ქონდა კონგრესი ნიუორკის შტატის სატახტო ქალაქ ალბანში, რომელსაც დაესწრო შვიდასზე მეტი დელეგატი. ამ კონგრესმა დაჰგმო მოსკოვის ტრახანი, რომ თითქოს კომუნისტებს რამე გავლენა ჰქონოდათ ამ ორგანიზაციაში. ამ კრებაზე აღმოჩნ-

და მხოლოდ ერთი კომუნისტი დელეგატი, რომელიც გაძევებულ იქნა 700 ხმით (მხოლოდ ორი დელეგატი იყო წინააღმდეგი გაძევებისა).

კონგრესის რეზოლუციაში ვკითხულობთ: «... ჩვენ მზადა ვართ დავხვედეთ კომუნისტების მოქმედებას... სრულიად ამერიკის მუშათა ფედერაცია უჩვენებს, რომ მათ ნიდაგი არა აქვთ ჩვენს შორის»-ო...

აქაური პრესა გამოეხმაურა მოსკოვიდან მიღებულ ცნობას, რომ იქიდან გამოაძევეს პოლონეთის ვეტერანი ყურნალისტი იან ოტმარ ბერსონი, კორესპონდენტი «დეპეშათა სააგენტოსი» და ოფიციალურ გაზეთის «გაზეტა პოლსკა» სი.

ბოლშევიკების მთავრობა და მოსკოვის «პრავდა» დამსახურებულ კორესპონდენტს ოთხ დანაშაულობას აბრალებენ:

- 1) მან რუსებს უწოდა «მატყუარობის ჩამპიონები»-ო.
- 2) რუსების ახალგაზდობას მასხარად იგდებო.
- 3) რუსებს პოლონეთის ტერიტორიის შეძენის განხრახვას აბრალებო.
- და 4) ყურნალისტს ბრალად ედება ცნობის მიწოდება თავის გაზეთისთვის, რომ საბჭოების ფერმაში მიმუნის და ადამიანის შეუღლების «ექსპერიმენტებს» აკეთებო... გაბედული კორესპონდენტი აქ რომ ვაჩერებულყო. შეიძლება ხიდათისთვის თავი დაეხწია, მაგრამ მიუმატებია: «რათა გააუმჯობესონ საბჭოების მცხოვრებთა მომავალი მოდგმა».

აქაური კორესპონდენტი დასძენს: მართალია, ბოლშევიკებს სჭირიათ თავის ჯიშის გაუმჯობესება, მაგრამ ვაი თუ ხსენებულმა «საშვალებამ» ბოლშევიკებს ვერ უშველოს და მიმუნებში კი ბოლშევიზმი და არევდარევა შეიტანოსო...

ნაურო.

**ძაკთველთა კოლონია ვაკუაგაზი**

გასული წლის მანში არჩეული კომიტეტი ენერგიულად შეუდგა მუშაობას. უპირველესი მიზანი იყო, უთანხმობის მოსპობა ემიგრანტებს შორის. ამას ხელი შეუწყო თვით კომიტეტის შემადგენლობამ, რომელშიც ყველას ყავდა თავისი წარმომადგენელი. გამოიჩვენა, რომ შესაძლებელი ყოფილა ემიგრანტებს შორის თანხმობა, ძმური თანამშრომლობა. ყველა გაერთიანდა ლოზუნგით: ერთად გაჰვირების შესამსუბუქლებლად. გული გვეხერება, როცა გვეხმის სხვა ქვეყნებში ჩვენს ძმებს შორის უთანხმობის ამბები. ვფიქრობთ, თუ მოწინავე ჟორთველები ჩაუკვირდებიან ჩვენს და საერთოთ ემიგრაციის მდგომარეობას, მივლენ იმ დასკვნამდე, რომ ძალა ერთობაშია.

ვარშავის კომიტეტმა მუშაობის გამოხატულებლად შექმნა სამი კომისია: 1. ეკონომიური, 2. საპროპაგანდო და 3) კულტურული.



პირველი კომისიის მოვალეობას შეადგენს სახსრების შოვნა გაჭირვებულ ემიგრანტების დასახმარებლად, კომიტეტთან ერთად, სათანადო მომზადება ტრადიციული ქართული ბალის თუ სხვა გასართობების, და აგრეთვე გაჭირვებული ქართველების სამუშევარზე მოწყობა. საპროპაგანდო კომისიამ თავისი მუშაობის მიზნად დაისახა გასწიოს პროპაგანდა ჩვენი საკითხის სასარგებლოდ. ამ მიზნით გაკეთებულ იქმნა ბნ ნაკაშიძის მიერ ქალაქ კატოვიცაში (პოლონეთის სილეზია) მოხსენება და აგრეთვე ქალაქ კრაკოვში. ამ ბოლო დროს სწირად ნახავთ ადგილობრივ გაზეთებში ჩვენს და კავკასიის შესახებ წერილებს, რომელნიც არა სწორად აშუქებენ და ყალბად გადმოცემენ ფაქტებს. კომისიამ და ავალა ბნ ინჟ. კანდელაკს, რათა უპასუხოს მათ არა მარტო გაზეთის საშუალებით, არამედ საჯარო მოხსენებითაც, რომელიც ახლო მომავალში მოეწყობა. ყველაზე უფრო სერიოზული მუშაობა შესართულა კულტურულმა კომისიამ. გახსნილი იქნა ქართული ენის შესასწავლი კურსები და ბავშვებისთვის საკვირაო სკოლა. თვეში ერთხელ ყოველი თვის პირველ სამშაბათს «პრომეთეს» დარბაზში იმართებოდა მოხსენებები კავკასიის თუ საქართველოს აქტუალურ საკითხებზე, გაკეთდა შემდეგი მოხსენებები:

- 1) ბნ ვას. ინჯიას «აჯანყება და მისი მომზადება».
- 2) მთიელ ბილაძის «კავკასიის კონფედ. პაქტი».
- 3) ბნ შალიკაშვილის «როგორ უნდა ვემსახუროთ სამშობლოს».
- 4) კოსტა ზანგის «წარსულის და აწმყოს გაკვეთილები».
- 5) ბნ ბ. ქუთათელაძის «საქართველოს მეურნეობის ძალა».
- 6) ბ. შალიკაშვილის «გზები კავკასიის ემიგრაციისა».

უკანასკნელი მოხსენება წაკითხული იქმნა ბნ თევზაძის მიერ «კავკასია, როგორც ერთეული». ყველა მოხსენება იყო საინტერესო, დიდი ინტერესი გამოიწვია და ცხვეელი კაშთიც მოჰყვა. ჩვენი დიდი მეგობარი პროფესორ პონიატოვსკის მიერ რამდენჯერ მოწვეულ იყვნენ მთელი კავკასიის კოლონიის წევრები, რათა გამოეგრკვია ჩვენი ერების ზნე ჩვეულებანი—ქორწინება; ტირილი და სხვა.

სწირათ კომიტეტი სტუმრებთან ერთად აწყობს ჩაის ერთმანეთის დასახლოვებლად.

კულტურული კომისიის დიდ დამსახურებად უნდა ჩაითვალოს ვარშავაში ქართული წიგნთ-საცავის მოწყობა. კომისიამ გაგზავნა თავისი წარმომადგენლები ყველა ქართულ ოჯახებში ქართული წიგნების მოსაგროვებლად. აგრეთვე სახსრების და მიხედვით გამოწერილ იქმნა საქართველოდან წიგნები. ასე რომ დღეს უკვე გვაქვს კარგა ლამაზი წიგნთ-საცავი გვაქვს 500 ქართული წიგნით, და ყოველივე ზომებია მიღებული მის გასამდიდრებლად.

კომიტეტმა მოიწვია 1937 წელში რუსთველის დღის მოსაწყობად მოწინავე ქართველების სხდომა, აგრეთვე კომიტეტის თ-რემ, კ. იმნაძემ სთხოვა პო-

ლონეთის ლიტერატურის აკადემიის თ-რეს დახმარება. შესდგა სპეცინლური კომისია, რომლის მოვალეობას შეადგენს მასალების დაგროვება და პოლონურ საზოგადოებისთვის ჩვენი დიდი პოეტის სათანადო გაცნობა.

ჩვენს კოლონიას თავის მუშაობის დროს მჭიდრო კავშირი აქვს კავკასიის ერების კოლონიებთან. სწირად გვაქვს საერთო შეხვედრები. ივლისში მოწყობილ იქმნა საერთო გამგზავრება კრაკოვში, რათა «მარშალის გორაკზე» დაგვეყარა კავკასიიდან ჩამოტანილი მიწა.

ახალგაზდებს აქვთ თავისი კავშირი, რომელშიც თავმოყრილია 25 წევრი და რომლის მიზანია, ხელი შეუწყოს ახალგაზდობის კულტურულ მოთხოვნილებათა დაკმაყოფილებას. ყველა ქართველი ახალგაზდები წევრად არიან «ოკაემი»-ს, რომლის კავკასიის სექციის თ რედ არის სტუდენტი ქალი ცოტაძე, და აქ პოლონელი ახალგაზდობა ეცნობა კავკასიის საკითხებს და ერებს.

დაარსებულია ცალკე ქალთა კავშირიც, რომლის მუშაობა ჯერჯერობით მეტად მოსუსტებს. ვარშაველი.

**წერილი ხარბინიდან**

ამა წლის 30 ივნისს და 7 ივლისს მოხდა ხარბინის ქართველთა საზოგადოების წლიური საერთო კრება, რომელსაც დაესწრო წევრთა დიდი უმრავლესობა. კრების თავმჯდომარედ არჩეული იყო პ. გ. თევზაძე, მდივნად ი. ა. პატიეშვილი.

განვლილი წელი საზოგადოებისთვის იყო მეტად მნიშვნელოვანი, ვინაიდან კულტურულ-ეკონომიური არე შედარებით წინა წლებთან გაფართოვდა და, ამისდამიხედვით, საზოგადოებრივი ცხოვრებაც უფრო ინტენსიური შეიქნა. განვლილმა წელმა წარმოშვა ბევრი საჭირობორტო კითხვები და საერთო კრებას, ასე თუ ისე, ყველა ამისათვის უნდა გაეწია ანგარიში და თავისი მსჯავრი გამოეტანა.

კრებამ დიდის ინტერესით მოისმინა გამგეობის მოხსენება და აგრეთვე სარევიზიო კომისიის დასკვნები.

მთავარი კითხვები, რომელთა გარშემო სწარმოებდა გაცხოველებული აზრთა გაცვლა-გამოცვლა, იყო შემდეგი:

- 1) სწავლა განათლების მდგომარეობა.
- 2) შემოსავალ-გასავალის ანგარიში 1934-1935 წ.
- 3) საზოგადოების 30 წლის არსებობის აღსანიშნავად იუბილეს გადახდა.
- 4) მომავალი 1935-1936 წლის ხარჯთ-აღრიცხვა.
- 5) ბიბლიოთეკის მდგომარეობა და სხვა.

გამორკვა, რომ გასული წლის საერთო კრების დადგენილების თანახმად ალ. მდივნის მიერ სწავლის საჭიროებისთვის შემოწერიული თანხიდან დაუფარავთ 1933 წელში ახალი სახლების აშენებით გამოწვეული ვალი. სამაგიეროდ, სახლების შემოსავლიდან უნდა აღდგენილიყო ალ. მდივნის ფონდი



საქართველოს  
საგარეო  
მინისტროს  
გამგზავნი

და მოხმარებოდა სწავლა განათლების საქმეს. ვინაიდან სახლების შემოსავალი ვერ ფარავდა სრულად საზოგადოების სხვადასხვა საჭიროების ხარჯს, ამიტომ გამგეობას ახალი სესხი აუღია 4.500 გობი. მომავალი წლის განმავლობაში საზოგადოება იძულებულია დაადგეს ხარჯის შემოკლების გზას, მაგრამ საერთო კრებამ სასურველად სცნო, შენახულ იქნას ქართული ენის გაკვეთილები ორ რუსულ საშუალო სკოლაში, სადაც სწავლობს ქართველი მოწაფეების უმრავლესობა. საჭიროდ იქნა მიმჩნეული, რომ მიექცეს გაორკეცებული ყურადღება საერთოდ კულტურულ მოთხოვნილებათა დაკმაყოფილებას, მოხსენება-ლექციების გამართვით, ეროვნული დღესასწაულების, განსაკუთრებით 26 მაისის გადახდით დასხვადასხვა.

მიმდინარე წლის მარტის თვეში გამგეობას უხუცეს ქართველთა მონაწილეობით, გადაუწყვეტია გადაიხადოს შემოდგომის თვეებში ქართველთა საზოგადოების არსებობის 30 წლის თავი. ამ თვიდანვე გამგეობასთან მუშაობდა საუბილეო კომისია, რომელსაც შეუდგენია საკმაოდ ვრცელი ისტორია საზოგადოების. კრება იწონებს გამგეობის წინადადებას ამ წიგნის გამოცემის შესახებ ეროვნულ მოღვაწეთა და გამოჩენილ პირთა სურათების დართვით და აგრეთვე შესავალ ნაწილში საქართველოს მოკლე ისტორიის მოცემით. წიგნის გამოცემა განზრახულია უცხო ენაზე, ქართული სტამბის უქონლობისა გამო. წიგნის გამოსაცემი თანხა უნდა მოგროვდეს წინასწარ იმ პირთა შორის, რომლებიც მოისურვებენ საიუბილეო წიგნში რეკლამების მოთავსებას.

იუბილეს დღესთან დაკავშირებით უნდა გაიმართოს ქართული საღამო, რაც შეიძლება მეტი ეროვნული ელფერით.

საერთო კრების მიერ მოწონებულ იქნა წინადადება, რომლის ძალით საზოგადოების წევრისთვის აკრძალულია იყოს წევრად უცხო ეროვნულ და პარტიულ ორგანიზაციებში. ეს მით უმეტეს საჭიროა, რომ ქართველთა საზოგადოებას და მის წევრებს საერთო არა აქვთ რა თითო-ორი გადაგვარებულ პირთან, რომლებიც, ალბათ, გულუბრყვილოთა შეცდომაში შესაყვანად, საჯაროთაც გამოდიან ქართველების და ქართველი ერის სახელით.

ბევრი სჯა-ბაასის და აწონ-დაწონის შემდეგ კრებამ დაამტკიცა 1935-1936 წლის ხარჯთ-აღრიცხვა შემდეგი სახით: შემოსავალი 5.870 გობი; გასავალი 6.186 გობი.

გამგეობის მოხსენების გათავების შემდეგ, თავმჯდომარე, ექიმი ჯიშკარიანი აცხადებს, რომ დროს უქონლობისა გამო, არ შეუძლია მომავალ წელში მონაწილეობა მიიღოს გამგეობის შემადგენლობაში და ამიტომ ხსნის თავის კანდიდატურას.

კრება დებულობს რა მხედველობაში გამგეობის და სარევიზიო კომისიის მოხსენებებს და მათ მიერ გაწეულ შრომას, მაღლობს უცხადებს მათ. შემდეგ კრება იხურება.

7 ივლისს ხდება კრების გაგრძელება და არჩევნები. ფარული კენჭის ყრით და ხმის უმეტესობით არჩეულ იქნენ: გამგეობის წევრებად: ვ. ცერცვაძე, ვ. ცაგარელი, კ. მახვილაძე, ანთ. მიქათაძე, შ. მჭედლიშვილი, გ. ნიკოლაძე; კანდიდატებად: დ. გაგუა, ს. მატახერია და ივ. დანელია.

სარევიზიო კომისიის წევრებად: გ. ბარამიძე, იონა თამაშვილი, ი. მილორავა. კანდიდატებად: ვ. გამყრელიძე და დ. გეგენავა.

10 ივლისს გამგეობის პირველ საორგანიზაციო სხდომაზე არჩეულ იქნენ: თავმჯდომარედ ვ. მ. ცერცვაძე, ამხანაგად კ. მ. მახვილაძე, მდივნად გ. ე. ნიკოლაძე, სახინაღრად ა. ფ. მიქათაძე.

გამგეობამ დაამტკიცა სახელმძღვანელო გეგმა და მორიგი მუშაობა გაანაწილა კომისიებს შორის. ვ. ახვლედიანი.

**აჯანყების წლისთავი**

კვირას 1 სექტემბერს ალიანს ფრანსეს დარბაზში გაიმართა საფრანგეთში მყოფ ქართველთა საზოგადოების საერთო კრება 1924 წ. აჯანყების წლის თავის აღსანიშნავად.

თავმჯდომარემ დ. სირტლაძემ თავის მოკლე სიტყვაში აღნიშნა ის დიდი მსხვერპლი, რომელიც გაიღო ქართველმა ერმა ამ აჯანყების დროს და რომელიც იმის მაჩვენებელია, რომ ჩვენი ერი არასოდეს დასთმობს თავის დამოუკიდებლობას და იგი მას დაიმკვიდრებს საბოლოოდ.

შ. ამირეჯიბმა განასხვავა რევოლუცია და აჯანყება, რომელიც არის ბრძოლა სისხლისა და რასისათვის, თავისებურობისათვის, საკუთარ მეობისათვის. გაიხსენა ზოგი დამახასიათებელი მომენტი აჯანყებისა და დევნა და ხოცვა ქართველებისა მხოლოდ იმიტომ, რომ ისინი ქართველები იყვნენ.

ს. ფირცხალავამ წაიკითხა მოხსენება აჯანყებასთან დაკავშირებით «ჩვენი ეროვნული გამძლეობის» შესახებ.

დასასრულ შ. ბერიძემ მოაგონა საზოგადოებას რამდენიმე უპიზოდი განსვენებული ქ. ჩოლოყაშვილის ცხოვრებიდან.

**ახალი წიგნი**

გამოვიდა გ. გვაჩავას გამომოთარგმნილი ესხილის «მიჯაჭული პრომეთე». ეს მესამე წიგნია (კრებიონის «ფარსმანის» და რასინის «მითრიდატის» შემდეგ), რომ შეეძინა ჩვენს ღარიბ ემიგრანტულ ლიტერატურას ბ. გვაჩავას ხელით. ეს ნაწარმოებიც ისე როგორც წინანდლები, კარგი ქართულით და ცოცხალი ლექსითაა გადმოღებული. წიგნი სუფთადაა გამოცემული დ. ხელაძის მიერ.